



諸證提綱卷之七目錄

頭痛第六十八

半夏白朮天麻湯

玉壺丸

青空膏

芎朮膏

防風湯

芎芷香蘇飲

小芎辛湯

天南星丸

神聖散

玉真丸

救苦神白散

點頭散

徹清膏

安神湯

謝傳點眼丹

芎歸湯

黑龍丹

川芎茶調散

祛風通氣散

加味烏荊丸

乳香落盞散

烏荊丸

定風餅子

菊花散

芎芷散

拔萃川芎散

石膏散

靈砂丹

順氣和中湯

菊花茶調散

芎藭散

白芷散

細辛散

三生丸

安神散

川芎神功散

黑龍丸

丹溪茶芎散

一奇散

芎附散

硫黃丸

白附散

川芎散

氣虛頭一方

頭風一方

透頂散

三妙散

如聖散

神妙散

玄胡餅

頭痛噴鼻方

火筒散

枕頭方

眉稜痛第六十九

附頭重

二鳥散

頭屑第七十

選奇湯

紅豆散

頭屑三方

心胃痛第七十一

東垣麻黃豆蔻丸

木附湯

金鈴子散

藁本湯

分心氣飲

阿魏撞氣丸

小草丸

連附六一湯

靈檳散

沉香降氣湯

梔姜飲

蠟礬丸

白螺殼丸

墜痰丸

玄胡索丸

失笑散

七氣湯

桂心湯

木槿湯

九痛丸

卻痛散

散痛丸

通靈散

單乾漆丸

手拈散

神聖代鍼散

落蓋湯

丁香止痛散

桂靈散

抽刀散

草豆蔻丸

沒藥散

愈痛散

加味枳朮丸

勝金丸

檳榔桂心湯

祛痛散

蕪荑散

沉麝丸

白朮散

心痛四方

腹痛第七十二

附腸鳴小腹痛

四物苦練湯

酒煮當歸丸

桂枝芍藥湯

芍藥甘草湯

四順清涼飲

麻子仁丸

芍朮散

木香榔榔丸

升陽除濕湯

異香散

草豆蔻湯

高良姜湯

沒藥散

一捻金散

五靈脂湯

仲景厚朴三物湯

溫中丸

葶藶丸

脇痛第七十三

龍會丸

鹽煎散

順氣丸

單黃連丸

枳芎散

韭菜熨法

琥珀膏

黃連丸

分氣紫蘇飲

調中順氣丸

推氣丸

一塊氣丸

沉香降氣散

勻氣散

東垣復元活血湯

腰痛第七十四

七味蒼柏散

着腎湯

滲滋湯

八單角茴香散

牛膝酒

青蛾丸

杜仲丸

九味安腎丸

百倍丸

煨腎丸

又煨腎丸

獨活湯

封髓丹

龜樗丸

獨活寄生湯

羌活勝濕湯

加味龍虎散

姜附湯

摩腰丹

聚寶飲子

調肝散

速効散

立安丸

如神湯

無敵丸

補陰丹

二至丸

地龍散

一立金丹

加味青娥丸

壯本丹

立安散

張仲景灸法

疝氣第七十五

丁香練實丸

枳實散

三核丸

四炒川練丸

甘遂散

八雄丸

葫蘆巴丸

山梔散

橘核散

烏頭丸

海香散

青木香丸

硫黃丸

東垣吳茱萸湯

東垣木香散

烏藥散

馬蘭丸

三香散

四聖散

三消散

守効丸

五葉湯

木鱉散

救命通心散

木香練子散

金練散

痰藜湯

仲景生姜羊肉湯

安息香丸

抵聖丸

海蛤丸

雄黃散

蜘蛛丸

包陰囊一法

治疝七方

白濁第七十六

附白淫筋痲膏淋腎消辨

星半蛤粉丸

樗栢丸

金連丸

還少丹

龍礪丸

石蓮散

遠志丸

內補鹿茸丸

金箔丸

妙香丸

東垣治濁固本丸

交濟丹

王瓜散

滋腎湯

珠粉丸

半夏丸

諸證提綱卷之七目錄終

諸證提綱卷之七

秀水陳文治輯

關中秦應禎校

頭痛第六十八

凡為風寒所傷而病在三陽經者則必頭痛蓋足太陽膀胱之脉上額交巔從巔入絡腦其痛也必連於項若惡風脉浮緊以川芎羌獨活麻黃之類為主足陽明胃之脉際至額顙其痛也必在於額自汗發熱惡寒脉浮緩長實者以升麻葛根石膏白芷為主少陽胆之脉起於目銳眦上抵頭角其痛也必在兩額角若往來寒熱脉弦細者

以柴胡黃芩爲主傳至太陰少陰則無頭痛然有體重或
腹痛爲痰癖而頭痛屬太陰也必有痰以蒼朮半夏南星
爲主若足寒氣逆爲寒厥頭痛脉沉細屬少陰也因三陰
三陽經不流行所致以麻黃附子細辛湯爲主厥陰與督
脉上與太陽接會於巔若吐痰沫厥冷脉浮緩而頭痛屬
厥陰也其痛在於頂項以吳茱萸湯爲主若夫三陽受病胸
膈有痰及氣血俱虛爲風寒暑濕之氣所侵傳於少陽經
便皆不去而致頭痛者名曰厥陰頭痛厥者逆也逆壅而
衝於頭也痛引腦巔陷至泥丸宮者名真頭痛旦發夕死
夕發旦死非藥所能愈矣大凡頭痛必用川芎如不愈各

引加經藥太陽川芎陽明白芷少陽柴胡太陰蒼朮少陰細

氣虛

血虛

兩虛

痰厥痛

風痰痛

辛厥陰吳茱萸巔頂去川芎而用藁本此一定之法也至
於耳鳴九竅不利腸胃之所生氣虛頭痛也以人參黃耆
爲主若自魚尾上攻頭痛此血虛也當歸川芎爲主氣血
俱虛調中益氣湯爲主內少加川芎蔓荊子細辛若吐逆
不止稠痰湧出眼黑頭旋惡心煩悶氣短喘促心神顛倒
目不敢開頭痛如裂身重肢厥不得安臥痰厥頭痛也白
朮半夏天麻湯其立方之意詳在本方之下乃東垣之心
法也若頭痛而兩頰青黃眩暈目不欲開懶言身重兀兀
欲吐此厥陰太陰合病名曰風痰頭痛以局方玉壺丸爲

者登是綱

卷之二 頭痛

二

厥陰痛

風濕熱痛

風寒入腦痛

主仍灸俠溪穴乃愈厥陰頭痛羌活附子湯為主冬月大寒犯腦腦痛齒亦痛名曰腦風亦用羌活附子湯風濕熱頭痛清空膏為主濕證芎朮湯濕熱心煩痛起耳中防風湯加酒芩蒼朮蒼耳子細辛為末茶清入姜汁調服風證芎芷香蘇散風寒入腦連齒痛者芎辛湯或羌活附子湯去附栢加桂枝腎虛犯大寒頭痛齒亦痛痛則甚數不已劉河間謂之厥逆頭疼以天南星丸主之或用羌活附子湯腦風風氣循風府而上項背怯寒腦戶極冷者用麻黃細辛全蝎藿香各五分為末荆芥煎酒服亦有用神聖散者暑證香薷散加茵陳葱白或大半夏湯姜汁為丸服腎

痛

冊溪治法

鬱熱痛

厥下虛上實巔頂痛不可忍其脉舉之則按之則堅者玉真丸頭痛不拘偏正或眉頭兩太陽痛及熱邪上攻頭目赤不已項筋拘急耳作蟬鳴宜救苦神白散丹溪曰頭痛多生於痰痛甚者火多宜清痰降火故通用以二陳湯加芎芷為主而以各經藥隨證加減也王節齋曰頭痛日久略感風寒便發寒須以厚帕包裹者此屬鬱熱故毛竅常疎風寒易入外寒束內熱閉逆為痛設投辛熱之劑亦能暫開然以熱濟熱病本益深惡寒將益甚矣惟當瀉火涼血佐以辛溫散表消風百解散防風通聖散之類可也若頭痛數日不食百藥罔效宜二氣丹無熱者黑錫丹常服

者登是岡

卷之二

頭痛

三

眉痛

點頭散則病根拔矣尋常頭目不清似痛不痛參蘇飲主之兼心煩者病在膈間清空膏屬風熱者徹清膏芩連煎湯調下若眉眶痛屬風熱與痰風痰眉心痛者二陳湯吞青州白丸子眉稜骨痛目不可開晝靜夜劇身重者導痰湯濕痰眉眶骨痛而體重者芎辛湯合導痰湯加川烏白朮寒濕者芎辛湯加川烏附子姜桂南星屬風熱者防風湯加酒黃芩風虛加川烏草烏細辛或金棗丹挾風羞明眉眶甚者生熟地黃丸或四物湯加羌活防風氣虛挾風安神湯又宜用謝傳點眼丹噉鼻藥若濕熱在頭而頭痛必以苦吐之用噉鼻藥涎少以烏梅十個取肉塩二錢酒

產後痛

水各半煎服取吐或飲濃茶一二升探吐大凡頭痛以風藥治之者總其大體而言也高顛之上惟風可到故味之薄者陰中之陽自地升於天也然必於前所分三陰三陽用藥而後効產後頭痛者芎歸湯若因血滯者黑龍丹大抵頭痛之證宜分內因外因內因者氣血痰飲五臟氣鬱也外因者風寒暑濕也知之確斯投劑不致於誤亦有宜吐宜下者若滯在膈間必吐乃安如孫兆之吐張學士傷食頭痛是也滯在下焦必下斯愈如郭茂恂之下金華君產後汚血頭痛是也活潑之妙存乎一心豈可拘泥哉至於頭痛日久則為頭風或平素有痰或洗浴取涼或醉飽

頭風

仰臥而致賊風入腦入項入目入鼻皆可以成頭風或頭皮浮頑不自覺或口舌不知味或耳聾或目痛或眉稜上掣痛或聞香極香聞臭極臭或可欠眩冒甚則項強硬身體拘急此正頭風也屬痰者多然有熱有風有血虛之別也通用宜川芎茶調散或祛風通氣散如在右者屬痰與熱痰用蒼朮半夏熱用酒製黃芩在左屬風與血虛風用荆芥薄荷血虛用芎歸芍藥酒黃柏若屬濕痰宜川芎南星蒼朮總之則荆芥薄荷爲頭痛之要藥也風濕腫痛而連肩背或遇陰雨則甚者羌活勝濕湯風濕頭痛重大遇熱則發宜消風散倍荆防熱甚者二陳湯加荆防薄荷熱

微者加酒芩防風芎芷便閉加大黃微利之但凡屬濕痰則痛密無間二陳湯加南星蒼朮川芎及細辛少許血虛必朝輕夜重氣虛則朝重晚輕至於因外感而發者專治頭風則外感自散頭風愈後而又外感自汗則宜加味烏荆丸以上皆東垣丹溪之法并錄各方共載於集庶經絡可分痰熱風熱亦可以別矣

半夏白朮天麻湯 東垣醫范天駟內素有脾胃證時顯煩燥胸中不利大便不通初冬出外晚歸爲寒氣拂鬱悶亂大作火不得伸也醫者誤疑有熱治以疏風丸大便行而病不減復增吐逆食不能停痰吐稠粘湧出不

止眼黑頭旋惡心煩悶氣短促上喘無力不欲言心神顛倒兀兀不止目不敢開如在風雲中頭苦痛如裂身重如山四肢厥冷不得安臥東垣謂此胃氣已損復下兩次則重虛其胃乃痰厥頭疼也夫足太陽痰厥頭痛非半夏不能療眼黑頭旋風虛內作非天麻不能除黃耆甘溫瀉火補元氣人參甘溫瀉火補中益氣二木俱甘苦溫除濕補中益氣澤苓利小便導濕陳皮苦溫益氣調中升陽趨藥消食蕩胃中滯氣大麥蘗麩寬中助胃氣乾姜辛熱以滌中寒黃栢大寒酒洗以至冬天少陽火在泉發燥也

半夏

大麥蘗麩

陳皮

各八分

白朮

神麩

炒各五分

天麻

蒼朮

白茯苓

黃耆

澤瀉

人參

各三分

乾姜

一分五厘

黃栢

一分

右水煎食前熱服

玉壺丸

治風濕頭痛亦治痰患

雄黃

一錢

南星

煨製

半夏

湯泡七次
去皮

天麻

白朮

各二錢

右爲細末姜汁浸蒸餅爲丸梧子大每服五十九丸食後

清茶服

清空膏 治風濕熱上壅腦痛此藥但不能除血虛頭痛
餘皆治之

川芎 五錢

柴胡 七錢

黃連 酒炒

防風

羌活 各一兩

炙甘草 一兩五錢

細挺子黃芩

三兩去皮一半
酒製一半炒

右為末每服二錢熱盞內入茶少許調如膏抹在口內

少用白湯送下臨臥時若頭痛每服加細辛二分痰厥

頭痛脉緩減羌活防風川芎甘草加半夏一兩五錢偏

頭痛服之不愈減羌活防風川芎一半加柴胡一倍發

熱惡熱而渴此陽明頭痛只與白虎湯加白芷

芎朮湯 治冒雨中濕眩暈頭重嘔逆不食

川芎

白芷

半夏 各二錢

甘草 五分

右姜水煎服

防風湯

防風

羌活 各三錢

甘草 一分

右水煎入麝一釐調服

芎芷香蘇飲 治四時感冒風寒頭痛

川芎

白芷

香附

紫蘇 各二錢

陳皮 一錢

甘草 五分

右姜葱水煎服取汗

小芎辛湯 治風寒在腦頭痛眩暈嘔吐不已

川芎 一兩

細辛 洗去土

白朮

甘草 炙各五錢

右咬咀每服四錢水一盞姜五片芽茶少許煎服

天南星丸 治厥逆頭痛齒痛骨寒胃脉同腎脉厥逆頭

痛不可忍

天南星 炮

硫黃 研

石膏

硝石 等分

右為末麩糊丸梧子大每服二十九空心日午臨臥各

一服

神聖散 治腦風邪氣留飲不散項背怯寒頭痛不可忍

者

麻黃 去節

細辛 去苗

乾葛 生一半熟一半

藿香葉 各等分

右為細末每服二錢煎荊芥薄荷酒或茶清調下兼治

血風

玉真丸 治腎厥頭痛不可忍其脉舉之則弦按之則堅

生硫黃 二兩另研

石膏 硬者不煨

半夏 湯洗七次

硝石 另研各一兩

右為末研勻用生姜汁煮糊丸如梧子大每服四十九
食前姜湯米飲任下虛寒甚者去石膏用鍾乳粉一兩
救苦神白散 治男婦偏正頭痛眉骨兩太陽痛及熱邪
上攻頭目目赤不已項筋拘急耳作蟬鳴

川芎 炙甘草 各八錢 甘松 去土

川烏頭 去皮臍 赤芍藥 兩頭尖

白芷 各五錢

右為細末每服二錢溫茶調下服藥後飲熟水半盞

點頭散 治偏正頭痛

川芎 生二兩 香附子 去毛四兩

右為末每服一錢好茶調下常服除根

微清膏

蔓荆子 細辛 各一分 薄荷葉

川芎 各三分 生甘草 炙甘草 各五分

藁本 一錢

右為末茶清調下二錢

安神湯 治頭痛頭旋眼黑

羌活 黃蘗 各一兩酒浸 防風 二錢五分

炙甘草 三錢 黃耆 三兩 川芎 三分

生甘草 三錢

蔓荊子 五分

柴胡

生地黄

知母 酒浸

升麻 各五錢酒浸

右咬咀每服八錢水煎食後溫服

謝傳點眼丹 治一切急頭風頭痛心腹絞痛又治攪腸

沙閃氣痛盤腸氣痛小腸疝氣等證此藥主之

牙硝 一錢

麝香

朱砂

雄黃 各五分

右為極細末磁罐收貯臨病用銀簪蘸藥點兩眼角內

立時取效

芎歸湯 治產後頭痛

川芎

當歸 各二錢

右水煎入酒溫服

黑龍丹 孕婦臨產難生或胎衣不下產後血暈不省人

事狀如中風或血崩惡露不止腹中刺痛血滯浮腫或

血入心經語言顛倒如見鬼神血氣相搏身熱頭痛或

相類瘧疾凡胎前產後一切急證垂死用此三四丸無

不神效

五靈脂

當歸 酒浸

生地黄

川芎

良姜 各三兩

百草霜 五錢

乳香

生硫黃 各一兩

琥珀

花蓋石 各三錢

右前五味入砂鍋內以紙筋泥濟煨紅候冷取出研細後五味亦為末前後和勻醋煮麪糊丸如彈子大用時以一丸在烈火內煨紅入生姜自然汁內浸碎以好酒童便調服神効不可盡述

川芎茶調散 治諸風上攻頭目昏痛鼻塞聲重

薄荷 四錢 荆芥穗 川芎 各二兩

羌活 白芷 炙甘草 各一兩

細辛 五錢 防風 二錢五分

右為細末每服二錢食後茶清調下

祛風通氣散 治男婦氣虛內風攻注或外風中襲頭目

昏痛鼻塞口喎語澁甚則身如板片攣拳屈伸不便肩背刺痛胸脇膨脹脚膝軟弱痰多咳嗽嘔吐惡心吐瀉不食胎前產後一切虛風等證

烏藥 川芎 白芷

甘草 桔梗 陳皮

白朮 各一錢 麻黃 枳殼

人參 各五分

右姜水煎服或為末每服二錢紫蘇木瓜煎湯調服瘡痒加薄荷少許

加味烏荊丸 治因形寒傷風頭疼鼻塞聲重或老人頭
風宿痰發而又感風寒一切虛風上攻頭目咽膈不利

荊芥

天麻

附子

白附子

烏藥

當歸

川芎 各一兩

右為末蜜丸彈子大朱砂為衣食後細嚼一九茶下

麻黃附子

細辛湯

吳茱萸湯

方俱見中寒條

調中益氣湯

方見脾胃條

羌活附子湯

方見鉅逆條

香薷散

方見中暑條

大半夏湯

方見嘔吐條

二陳湯

黑錫丹

導痰湯

方俱見痰証條

消風百解散

參朮飲

方俱見感寒條

防風通聖散

四物丹

方俱見中風條

二氣丹

方見惡寒條

青州白丸子

方見眩暈條

羌活勝濕湯

方見腰痛條

金棗丹

方見風痛條

生熟地黃丸

消風散

方俱見目証條

乳香落蓋散

治偏正頭疼神効

御米殼

去蒂四錢

陳皮

炙甘草

桔梗

柴胡

各一錢

右為細末每服二錢水煎

烏荊丸

治腸風臟毒下血不止諸風攣搐頑麻瘙痒及

婦人血風頭風眩暈等證久服悅顏色黑鬚髮

川烏

一兩

荊芥穗

二兩

右為末醋煮麩糊為丸如梧子大每服二十九溫酒或熱水下有病者每日三四服無病者只早間一服

定風餅子 治偏正頭痛

草烏頭 五錢微炒 香白芷 一兩 川芎 二兩

防風 天麻 甘草 炒各一兩

細辛 五錢

右為末姜汁丸龍眼大捏作餅子每服一餅食後茶湯下

菊花散 治風熱上攻頭痛不止

石膏 甘菊花 防風

旋覆花 枳殼 蔓荊子

甘草 羌活 各一錢五分

右姜水煎溫服

芎芷散 治風壅頭痛

川芎 白芷 荊芥穗

軟石膏 各等分

右為末每服一錢食後沸湯調下

極碎川芎散 治偏頭痛

甘菊花 石膏 川芎 各一錢

右為細末每服一錢茶清調下一方有白姜蚕六錢生

用

石膏散 治頭痛不可忍

麻黃 去根節

石膏 各二兩

何首烏 五錢

乾葛 七錢五分

右為細末每服三錢臘清茶調服

靈砂丹 治偏正頭疼髮落牙痛遍身麻木

天麻

獨活

羌活

細辛

防風

連翹

石膏

薄荷 各一兩

川芎

梔子

芍藥

荆芥穗

當歸

黃芩

大黃 生

全蝎 去毒微炒

菊花

人參

白朮 各五錢

朱砂 一兩為衣

寒水石 生

桔梗 各一兩

縮砂 三錢五分

甘草 生一兩

滑石 四兩

右為末蜜丸每兩作十丸朱砂為衣每服一丸細嚼茶

清送下

順氣和中湯

治氣虛頭痛此藥升陽補氣頭痛自愈

黃耆 一錢五分

人參 一錢

甘草 炙七分

白朮

陳皮

當歸

白芍藥 各五分

升麻

柴胡 各三分

細辛

蔓荆子

川芎 各二分

右作一服水煎食後服亦治氣血俱虛頭痛

菊花茶調散 治偏正頭痛頭風鼻塞

菊花

川芎

荆芥穗

羌活

甘草

白芷 各一二兩

細辛

一兩洗爭

防風

去蘆一兩五錢

蟬蛻

姜蚕

薄荷

各五錢

右為末每服二錢食後用茶清調下

芎藭散

婦人患頭風者十居其五每發心掉眩如在車

上盖因血虛肝有風邪熱故耳經曰狗蒙招搖目眩耳

聾上虛下實過在足少陽厥陰甚則歸肝盖謂此也

川芎

一錢

當歸

三分

羌活

旋覆花

蔓荆子

細辛

石膏

藁本

荆芥穗

半夏麴

防風

熟地黄

甘草

各五分

右姜水煎服

白芷散 治諸熱苦頭痛

鬱金

一錢

白芷

石膏

各一二錢

雄黃

芫硝

薄荷葉

各三錢

右為細末口含水噴鼻

細辛散 治偏正頭痛

細辛

瓦松 各二分

生黃芩

白芍藥

各三分五厘

酒黃連

川芎

各一錢五分

黃芩

酒炒

甘草炙

各八分

柴胡

去蘆一錢

右為細切作一服水煎食後服

三生丸

治痰厥頭痛

半夏

白附子

南星

各等分

右為末生姜自然汁浸蒸餅為丸菉豆大每服五十九

食後姜湯送下

安神散

治頭旋眼黑頭痛

羌活

酒黃柏

黃耆

各一兩

酒生地黄

柴胡

各五錢

炙甘草

生甘草

各三錢

防風

二錢五分

酒知母

升麻

各五分

右咬咀每服五錢水煎數沸入蔓荊子五分川芎三分

再煎服

小芎神功散

治風熱上攻偏正頭痛無問微甚久新俱

効

川芎 一兩

甘草 二錢五分

川烏 生去皮臍

白芷

天南星

麻黃 去根各五錢

右為細末每服三錢姜水煎成入清酒半盞和粗溫服避風靜處如人行五七里再一服汗出立愈

黑龍丸 治一切頭痛

天南星 製

川烏

各四兩黑豆拌蒸一次

石膏 一錢五分

麻黃

薄荷

各二兩

藁本

白芷

各一兩

好墨

七錢

右為蜜丸彈子大每服一丸薄荷茶湯調下

丹溪茶芎散

頭疼連眼疔風痰上攻也須用白芷開之

雨前茶

川烏

白芷

防風

台烏

細辛

當歸

等分

右為末每服三錢湯調服

一奇散

治產後頭痛

川芎

當歸

各等分

右為細末每服二錢水煎亦有止用川芎末二錢者一

奇之名其斯之謂歟

芎附散

治產後敗血作梗頭痛

大附子

一枚

川芎

一兩

右用醞醋一碗蘸附子於炭火上灸灸而又蘸務令醋盡而透同川芎爲末每服一錢茶清下

硫黃丸 治頭風不問新久服此除根屢用屢効

硫黃 二兩
硝石 一兩

右爲末滴水丸指頂大每服一丸空心細嚼茶清下

白附散 治風寒客於頭中無時疼痛牽引兩目遂至失明

白附子 一錢
麻黃 不去節
川烏

南星 各五分
全蝎 一個
乾姜

朱砂
麝香 各一分

右爲細末酒調二分五釐服後略睡片時即効

川芎散 治偏頭痛神効

川芎
甘菊
石膏

白姜 各七分

右爲極細末茶清調下

一方治氣虛頭疼用大附子一枚挖去心入全蝎二個以所挖附子末同鍾乳粉一分麪少許水和果炮焦黃爲度研爲末葱茶調下一錢或五分

一方治頭風用附子一枚生去皮臍以菘豆一合同煮豆熟去附食之立愈一附可煮五次後以附爲末服之

一方治頭風以生蘿蔔汁仰臥注兩鼻數年之患一注即愈

噴鼻

透頂散 治偏正頭風夾腦風并一切頭風不問年深月

近神効

細辛 白者三莖

瓜蒂 七個

丁香 三粒

糯米 七粒

腦子

麝香 各豆大一粒

右腦麝另研極細四味亦另研細和勻每用豆許大一些隨左右噴鼻良久出涎而安

三妙散 治風邪犯腦頭痛不可忍無問久近噴之即愈

硝石

人中白

腦子 等分

右為末用一字吹入鼻中

如聖散 治眼目偏痛頭風神効

麻黃 燒灰五錢

盆硝 二錢五分

麝香

冰片 各少許

右為細末噴鼻

神妙散 治偏正頭目昏眩及偏正頭痛神効

焰硝

雄黃

川芎

薄荷葉

蒼耳子

藜蘆 各一錢

天竺黃 一錢五分

右為細末口噙水噴一字

玄胡餅 治頭痛不可忍

玄胡索 七枚

猪牙皂角

肥實者 二枚

青黛 二錢

右為末水和成小餅子如杏仁大用時令患者仰臥以水化開用藥管吹入男左女右鼻中覺藥至喉令患者坐却令咬定銅錢一個於當門齒當丸涎出成盆便愈一丹溪治頭痛嗜鼻以草撥川芎薄荷白芷細辛等分為末以猪胆汁拌勻仍入胆皮內陰乾再研極細用無根水為丸菘豆大青黛為衣每用一丸茶清化灌鼻中口

噲銅錢三文涎流如泉

火筒散 治頭風神效

蚯蚓糞 四錢

乳香 二錢

麝香 少許

右為末用紙筒自下燒上鼻吸其烟

枕頭 治頭風頭痛神效

食茱萸葉

右洒酒拌勻以絹袋盛之甑中蒸熟乘熱分作二包更換枕以効為度

新增

加味清痰降火飲

陳皮

茯苓

半夏

南星

荆芥 各一錢

川芎 一錢

白芷 七分

羌活 一錢

青升麻 一錢

柴胡 八分

藁本 八分

黃芩 酒炒七分

白朮

生姜引

眉稜痛第六十九 附頭重

丹溪曰眉痛屬風熱與痰宜作風痰治然與頭風相類不可誤也用白芷酒黃芩為末酒調下

二鳥散 治眉稜痛

川烏

草烏 二味為君 童便浸炒

細辛

羌活

黃芩

甘草 等分為佐

右水煎服

選奇湯 治眉骨痛不可忍

羌活

防風 各二錢

甘草 二錢夏月生冬炒

酒黃芩 一錢冬月不用有熱者用

頭重

右每服三錢水一鍾煎七分食後温服

紅豆散 治頭重欲墜此濕氣勝也

麻黃根 炒

苦丁香 各五分

紅豆 十粒

羌活 燒

連翹 各三錢

右為細末噉鼻

新增

加味除風湯 治肩稜骨痛不可忍

桔梗

黃芩

羌活

香白芷 各一錢

細辛 四分

防風

青升麻

葛根

芍藥 各一錢

甘草 三分

川芎 七分

生姜引

頭屑第七十

肝經風盛木自搖動而凌脾土金來尅之謂之子來為母復讐而致梳頭有白屑此肺之證也肺主皮毛大便實瀉青丸主之虛則消風散主之

瀉青丸

方見中風條

消風散

方見目証條

一方治頭上風屑燥痒乃氣虛風邪所侵而然用藜蘆為末避風處熱水洗髮候乾至八分摻末入髮中即縛緊一日夜而愈

一方治頭上白屑多以山豆根浸油塗或小兒乳塗並効一方治頭上白屑以白芷零香為末洗髮候乾摻之三

五日當比去如此三次永不生屑

新增

加味防風通聖散

防風

荆芥

桔梗

香白芷

川芎

青升麻

芍藥

葛根

黃芩

當歸

麻黃

厚朴

薄荷

各等分

甘草

三分

生姜引

心胃痛第七十一

凡胃脘當心而痛者世皆呼之為心痛病家固不知醫而昧此寧不大誤乎夫心痛者寒邪觸犯心君也手足青至於節甚則旦發夕死各集俱無治法惟東垣有麻黃豆蔻丸庶幾可治然亦九死一生也若寒邪客於心包絡或他臟之邪犯心之支脉謂之厥心痛蓋諸痛皆少陰厥陰氣逆上衝痛極則厥故云也丹溪曰心痛即胃脘痛須分久新若明知其身犯寒氣口得寒物而病於初得之時當用溫散溫利之藥延至病久則成鬱矣鬱則成熟若槩行溫散溫利豈不助火添病耶故古方多用山梔子為君熱藥

寒厥痛

為之嚮導則邪易伏而病易退東垣云寒邪客於心包絡
前人以良姜菖蒲大辛熱之味為散酒醋調服其痛立止
此折之於病機機要曰久病無寒暑病非熱觀此則知新
病是寒久病為熱也明矣良姜菖蒲所以療暴病之効也
若寒厥心痛手足逆而通身冷汗出便溺清利或大便利
而不渴氣微力弱亦且發夕死之證宜急以木附湯溫之
熱厥心痛身熱足寒痛甚則煩燥而吐額自汗出其脉浮
大而洪當灸大谿崑崙二穴所謂表裏俱瀉引熱下行汗
出乃愈灸畢仍服金鈴子散痛止服枳朮丸以去其餘邪
大實而心中痛乃怒後飲食卒然發痛大便或秘久而溼

熱厥痛

大實

痰飲痛

悶心胸高起按之愈痛不能飲食急以煮黃丸利之利後
以藁本湯去其邪仲景云按之心下滿痛者此為實也當
下之宜大柴胡湯古方心痛有九種斯三者冷熱食也其
六曰飲曰風曰悸曰蟲曰疰曰去來痛所謂飲者痰飲也
因老痰粘於胃口而痛宜二陳湯為主寒加草豆蔻濕加
蒼朮川芎熱加山梔鍋煤童便冷加丁香良姜若傷水飲
聚涎心痛如刺者溫胆湯加白朮風者肝邪乘心也痛則
兩脇引小腹陰股桂枝湯加附子便閉入蜜一匙同煎或
分心氣飲加厚朴枳殼蘿蔔子木香或阿魏撞氣丸悸則
內因七情怔忡驚悸似痛非痛妙香散四七湯小草丸熱

風痛

悸痛

者登是岡
卷之七
痛
五

蟲痛

瘧痛

素痛

瘀血痛

殺血心痛

則連附六一湯重則兩目黃赤手足青至節為真心痛矣
 蟲因濕熱所生攻脾入胃或上攻於心痛發難當必面上
 有白斑唇紅能食饑則嘔沫宜二陳湯加苦練根或靈櫛
 散烏梅丸化蟲丸疰痛乃卒感惡忤尸疰其人素虛腎經
 陰氣上攻神昏卒倒蘇合香丸痛引背偃僕者沉香降氣
 湯或五苓散倍桂韭汁為丸小茴香煎湯下去來痛肺鬱
 痰火勞心則發熱者梔姜飲蠟礬丸痰積白螺殼丸痰火
 墜痰丸此九種之名也九種之外復有瘀血心痛但飲湯
 水嚥下作飢乃素食熱物死血膠於胃腕宜桃仁承氣湯
 輕者四物湯加桃仁紅花或玄胡索丸失笑散婦人瘀血

入心脾痛甚者五積散加三稜莪朮經行未盡血衝心痛
 加桃仁紅花經行已任作痛者七氣湯加當歸血崩而心
 痛甚者由於心脾血虛所致名曰殺血心痛小產去血過
 多者亦然用烏賊魚骨炒為末醋湯調下失笑散亦効產
 後痛桂心湯木枳湯痛之甚者用切痛藥寒者九痛丸郁
 痛散熱者散痛丸通靈散有積神保丸瘀血單乾漆丸通
 用手粘散如意丹神聖代鍼散切之而止再發者不可仍
 服前藥用玄明粉一服立止此治心痛之大法而病情不
 一活潑在人未可以此拘泥也大抵痛之輕者止宜以山
 梔子炒去皮二兩蒼朮川芎各二兩姜汁蒸餅為糊作丸

言述辨錄 卷之七 心胃痛
辣姜湯服重者桂枝麻黃石鹹等分姜汁蒸餅爲丸亦辣姜湯服若至相兼各證以九種之名而意悟之自是得病之情矣非惟用藥之當合證也如飲食之類亦宜戒慎丹溪曰中宮有食積與痰而致疼痛者胃氣亦賴所養卒不便攻盡爲日雖多不食不死若痛止卽食病必復作故須稍停飲食然後漸漸而食方獲全安至於食積痛必宜斷食三四日醫學綱目所載治驗甚明丹溪又曰痛甚者脈必伏用溫藥附子之類不可用參朮是不惟生冷之當忌飲食亦所當忌其用藥不惟寒熱劑之當別補劑亦所當別也

東垣麻黃豆蔻丸 客寒犯胃心頭大痛不可忍

草豆蔻仁

五錢

麻黃

不去節三錢

神麩 炒一錢

益智仁

八分

當歸身

吳茱萸

炙甘草

柴胡

橘紅

升麻

半夏

麥蘖麩

縮砂仁

黃耆

白朮

各五分

萆澄茄

四分

蘇木

三分

厚朴

木香

青皮

紅花

各二分

右爲細末湯浸蒸餅丸梧子大每服五十九白湯送下
細嚼亦可

木附湯 寒厥暴心痛脉微氣弱

白朮 二錢

炙甘草 一錢

附子 泡一錢

右加姜葱水煎此補中助陽氣止自汗之聖藥

金鈴子散 熱厥心痛或發或止久不愈者

金鈴子

玄胡索 等分

右為末每服二三錢酒調下溫湯亦可

藁本湯 大實心痛先服煮黃丸而利後當服此

藁本

五錢

蒼朮

一兩

右水煎服

心氣飲 肝邪乘心而痛

木通

官桂

赤芍藥

赤茯苓

半夏

甘草

羌活

桑白皮

大腹皮

青皮

陳皮

各五分

紫蘇

二分

右加姜棗燈心水煎服

阿魏撞氣丸 治噎疾及九種心痛痞癰氣塊冷氣攻刺

腹痛腸鳴嘔吐酸水及疝氣等證

小茴香

青皮

甘草

陳皮

莪朮

川芎

各一兩

生姜

四兩用鹽五錢醃一宿

胡椒

白芷

肉桂

砂仁

丁香皮錢炒各五

右為末用阿魏一錢五分和麩糊丸芡實大每藥一斤用朱砂七錢為衣每服三五丸炒薑湯送下女人血氣痛醋湯下

小草丸 胸痺心痛逆氣膈中飲食不下

小草

桂心

川椒

乾姜

細辛

附子

右為末蜜丸梧子大每服三丸米飲下

連附六一湯 胃脘因熱痛甚諸藥不効

黃連

附子

六錢

炮去皮臍一兩

右加姜棗水煎稍熱服

靈樞散

治心痺蟲痛

五靈脂

檳榔等分

右為末先以猪肉用鹽醬烹調極香令患人口嚼吐出如此四五次蟲頭向上矣而後以三錢用菖蒲煎湯調服

沉香降氣湯

氣不升降而心痛謂之疰痛

沉香

砂仁

甘草

二錢

五錢

一兩二錢

香附

四兩

右為末每服二錢入鹽少許白湯調服

梔姜飲 胃熱作痛

山梔 十五枚取仁 川芎 一錢

右水煎去粗入生姜自然汁三匙再煎少沸熱服痛不止者服玄明粉一錢

蠟礬丸 治諸般癰疽大有神効兼治心痛尤効

黃蠟 二兩 明礬 四兩研末

右以蠟熔化入礬末和勻衆手急丸梧子大每服三十丸食前酒下日三服

白螺殼丸 治痰積胃脘作痛

白螺絲殼 火煨 滑石 炒 蒼朮

山梔 童便浸 香附 童便浸 南星 煨裂各一兩

枳殼 麸炒黃色 青皮 木香

半夏 砂仁 各五錢

右為末春加川芎夏加黃連秋冬加吳茱萸用生汁浸蒸餅為丸菉豆大每服五十丸白湯下

墜痰丸 治心腹走注刺痛等證

皂角 醋浸一宿炒 黑牽牛 各四兩 白礬 瑪瑙二錢五分同枯去瑪瑙

蘿蔔子 各二兩 青木香 一兩

右為末姜汁糊丸菉豆大每服四五十九丸量人虛實加減五更白湯或姜湯下

玄胡索丸 死血在胃口作痛神効

玄胡索 一兩五錢 桂心

紅花

滑石

紅麴 各五錢

桃仁 三十粒去皮尖

右為末蒸餅為丸梧子大每服五十九丸淡醋湯下

失笑散 治瘀血心氣痛

蒲黃

五靈脂 等分

右為末每服二錢醋調成膏入水一盞煎七分空心連

袒服

七氣湯 治女人經行已盡而心胃作痛

半夏 一錢

厚朴

桂心 各六分

白茯苓

白芍藥 各八分

橘皮 四分

人參 二分

紫蘇 三分

右姜棗水煎

桂心湯 女人素有宿寒因產大虛寒搏於血血凝不散

上衝心之絡脉故作心痛

桂心

小草

吳茱萸

乾姜

獨活

熟地黄

當歸

白芍藥 各一錢

甘草

細辛 各三分

右水煎服

木枳湯 產後七情感傷血與氣併心痛

木香

枳榔

玄胡索

金鈴子

三稜

莪朮

厚朴

桔梗

川芎

當歸

白芍藥

黃芩

甘草 等分

右水煎服

九痛丸 治九種心痛兼卒中惡腹脹痛

附子 三錢泡

人參

乾姜

吳茱萸

生狼牙

巴豆

去皮心熬研如脂各一錢

右為末蜜丸梧子大人强者初服三丸弱者量減温酒

下

卻痛散 治心氣冷痛不可忍

五靈脂

蒲黃

炒各一錢五分

當歸

胡椒

石菖蒲

木香

桂

各一錢

右入鹽醋少許水煎

散痛丸 治心氣痛不可忍

陳茶

一兩

乳香

五分

右為末臘月兔血丸芡實大每服一丸淡醋湯下

通靈散 治九種心痛

蒲黃

五靈脂 等分

木通

赤芍藥 減半

右為末每用四錢水煎入鹽少許通口服

單乾漆丸 治九種心痛惡心吐水腹脇聚滯氣

乾漆炒烟盡為末醋糊丸梧子大每服五丸熱酒或醋

湯下

手拈散 治心脾氣痛

草果

玄胡索

五靈脂

沒藥

乳香 等分

右為細末每服三錢空心溫酒調服

神聖代鍼散 治心腹諸痛

乳香

沒藥

當歸

白芷

川芎 各五錢

元青 一兩去翹足炒

右為細末每服一二分病甚者五分先烹好茶一鍾摻

藥在茶上毋使沉底細細呷之凡心痛欲死者服之立

効疝氣膀胱腫硬及氣刺痛與婦人血癖血暈血刺痛

衝心胎衣不下一切因血作痛之疾服之大有神効

枳朮丸

養黃丸

神保丸 方俱見內傷條

大柴胡湯

桂枝湯 方俱見傷寒條

二陳湯

四七湯 方俱見痰証條

溫胆湯 方見驚悸條

妙香散 方見五癩條

烏梅丸 方見咳嗽條

化蟲丸 方見蟲証條

蘇合香丸 方見氣滯條

五苓散 方見中暑條

桃仁承氣湯 方見發黃條

四物湯 方見中風條

五積散 方見中寒條

如意丹 方見疫癘條

落盞湯 治急心痛

陳皮

香附

良姜

吳茱萸

石菖蒲 等分

右水煎去粗以淨碗一隻滴香油三五點於內另用小碗蓋之以藥淋下熱服

丁香止痛散 治心氣痛不可忍

良姜 一錢五分

茴香

甘草 各四分五厘

丁香 一分五厘

右為末沸湯點服

桂靈散 治心腹大痛而正危急者

良姜 麩炒

厚朴

五靈脂 等分

右為細末熱醋湯調一錢服下痛立止

抽刀散 治急心痛屬寒

斑毛七個胡椒四十九粒同炒至斑毛焦碎止以胡椒

為末作一服熱酒調下

草豆蔻丸 客寒犯胃而痛宜用此丸熱痛亦可用止可

二三九

草豆蔻

一錢四分麩
累炮去皮

吳茱萸

湯泡

益智仁

陳皮

姜蚕

人參

黃耆

各八分

生甘草

炙甘草

歸身

青皮

神麴

姜黃

各四分

半夏

湯洗一錢

麥芽

一錢五分

澤瀉

小便數者減半

桃仁

七粒去皮尖
另研

柴胡

四分腸不
痛減半

右除桃仁另研如泥各藥為末和勻再研湯浸蒸餅為丸梧子大每服三十九丸白湯送下

沒藥散 治一切心腹熱痛不可忍者

沒藥

乳香

各三錢

穿山甲

炙五錢

木鱉子

四錢

右為細末每服五分至一錢酒煎連袒服

愈痛散 治心胃急痛

五靈脂

玄胡索

炒去皮

蓬朮

當歸

良姜

炒

莪朮

等分

右為末每服二錢熱醋湯調服

加味枳朮丸 清痰食積酒積肉積在胃脘當心而痛痞

滿惡心嘈雜噯氣吞酸嘔吐脾疼等證其効如神

白朮

三兩

枳實

麸炒黃色

蒼朮

米泔浸二宿焙

猪苓

麥蘖麩

炒黃

神麩

炒微黃色

半夏

製各一兩

澤瀉

赤茯苓

川芎

黃連

陳塵土炒

白螺絲殼

煨各七錢

縮砂仁

草豆蔻

黃芩

陳塵土炒

青皮

去白

蘿蔔子

炒

乾生姜

各五錢

陳皮

去白

香附米

童便浸

瓜婁子

厚朴

製

枳殼

各三錢

木香

甘草

各二錢

右為細末用青荷葉泡湯浸粳米研粉作糊丸梧子大每服七十九至一百丸青米飲送下吞酸加湯泡吳茱萸

莫冬月五錢夏月二錢五分久病挾虛加人參白扁豆

蓮肉各五錢時常口吐清水加炒滑石一兩牡礪五錢

勝金丸 治卒心痛

桂枝

玄胡索

炒

五靈脂

當歸

各五錢

右為末蜜丸梧子大每服二十九陳皮湯下
枳榔桂心散 心胃痛諸藥不効者此藥甚効

枳榔

桂心

葛根

甘草

減半

細辛

半夏

桔梗

枳殼

川芎

防風 等分

右水煎服

祛痛散 治諸般心氣痛或氣滯不行攻刺心腹痛連胸脇小腸釣疝及女人血氣刺痛立有神効

青皮

五靈脂

川練子

穿山甲

大茴香

良姜 香油炒

玄胡索

沒藥

檳榔 各一錢五分

木香 一錢二分

沉香 一錢

砂仁 少許

右咬咀以木鱉子去殼切片同炒至焦香去木鱉為細末每服一錢加塩一錢或酒或白湯送下屢有神効

蕪荑散 凡心痛而吐青黃綠水涎沫至於不可忍或吐

蟲出則痛稍止此蟲心痛也經云蟲貫心則能殺人宜速以此治之

蕪荑

雷丸 各五錢

乾漆 搥碎炒烟盡一兩

右為末大人每服三錢小兒五分温湯調下甚者不過三服

沉麝丸 治心痛腹痛氣痛不可忍三服除根

沉香

沒藥

血竭

辰砂

各五錢另研麝香三錢

木香 一兩

右各研為細末和勻以甘草熬膏為丸如芡實大每服

三九姜湯嚼下婦人產後血氣刺痛極効若加當歸琥
珀各一兩乳香五錢名神仙聚寶丹治心腹痛血氣痛
其効尤速

白朮散 治胎前心痛欲死其効如神

白朮

赤芍藥

各七錢

黃芩

五錢

右水煎服勢急者連用三服

一方治心痛水梅一個去核入硫黃末搗勻作丸白湯下
立愈

一方治心氣痛晚蚕沙為末湯泡濾淨清水服之其痛立
止

一方治心痛石菖蒲三寸切碎煎湯搗胡椒七粒為末服
之立止

一方治心痛萱草根一寸磨醋一盃温服立止

新增

加味開鬱調氣湯 治胃脘有痰當心作痛苦楚難當

陳皮 一錢五分

青木香 二錢

檳榔 二錢

枳殼 一錢

茯苓

半夏 各一錢五分

南星 一錢

甘草 三分

六脉俱數加黃連山梔子黃芩

生姜引

腹痛第七十二

附腸鳴
小腹痛

腹之痛處不一所屬經絡亦異如中脘之下痛屬足太陰
經臍間痛屬足少陰經小腹痛屬足厥陰經尋常治法與
傷寒不同故東垣每用四物苦練湯酒煮當歸丸丁香練
實丸之類主之若夏月腹痛則肌熱惡熱其脉洪疾屬手
太陰足陽明也黃芩芍藥湯主之秋時腹痛則肌寒惡寒
其脉沉疾屬足太陰足少陰也桂枝芍藥湯主之四時腹
痛芍藥甘草湯主之丹溪曰腹痛有寒有積熱有食積有
痰有死血其中復有分別爲中脘下痛者多係食積與外
寒屬食積則大解後痛減屬外寒則綿綿無增減臍腹間

痛者多係積熱與痰火積熱則時痛時減痛處亦熱手不可近便閉喜冷宜四順清涼飲大承氣湯三黃丸年老者麻子仁丸屬痰火則氣為痰壅小便不利或二便俱不利宜芎朮散若清痰留滯胸腹作聲者控涎丹小胃丹死血痛則有定處或憂思逆鬱跌撲傷損或女人經阻或產後惡血不盡凝結而痛宜四物湯去地黃加桃仁大黃紅花若夫小腹痛固多瘀血亦有溺澁者屬死血亦痛處不移屬虛血則小腹硬滿二者小便俱利若係溺澁則小便不利若臍下卒然大痛而人中黑乃中惡客忤不治腸癰亦腹痛但小便數似淋脉芤數為異原病式曰熱鬱於內而

腹滿堅結痛者不可言為寒病機云寒熱皆能作痛然寒痛者多熱痛者少故丹溪凡治心腹痛必以溫散為主用炒乾姜蒼朮川芎白芷香附姜汁之類以其鬱結不行阻氣不運故也若飲食過傷而痛宜木香檳榔丸下之得大便後痛減者宜平胃散加消導藥或保和丸枳朮丸紅丸子備急大黃丸神保丸之類感寒卒痛吐利作酸喜熱物熨者五積散加吳茱萸木瓜煨葱或藿香正氣散加木香少許因怒火攻衝而腹痛無定處無定時者宜用香附芍藥青皮之類因風而痛者宜桂枝湯加芍藥或胃風湯加木香因暑而痛者宜香薷散加生姜陳塵土紅蓼木瓜或

五苓散因濕而痛者除濕湯或香蘇散加蒼朮枳殼因蟲而痛者肚大筋露往來絞痛痛定減食發作有時烏梅丸化蟲丸血虛^瘦或年老之人津液枯涸傳送失常鬱火燥熱煎成結糞滯於大小腸之間氣不運而作痛者宜枳實導滯丸備急大黃丸之類先通其滯止其痛然後用四物等生血潤燥之劑以治其本此皆雜證腹痛治例也若因熱而痛腹中水鳴是火激動其水也宜二陳湯加苓連山梔但腸鳴亦有臟寒者勿槩認爲火如係胃寒泄瀉腸鳴宜用升陽除濕湯加益智半夏各五分姜棗煎服六九腸鳴多屬脾胃虛故內經曰中氣不足腸胃爲之苦鳴肺移寒於腎爲涌水涌水者按之腹不堅蓋水氣客於大腸疾行則鳴濯濯如囊裹水漿之聲宜溫補行水爲主若夫卒然中脘與大腹痛甚欲吐不吐欲瀉不瀉唇青厥逆死在須臾者此乾霍亂也宜急灌以鹽湯而用鴛翎探吐調治之法具載本條

四物苦練湯 治臍下虛冷腹痛

四物湯

六錢

玄胡索

苦練根

各一錢五分

右水煎服

酒煮當歸丸

治小腹寒痛及女人白帶疝癩大寒等證

當歸

一兩

黑附子

炮

良姜

各七錢

茴香

炙甘草

苦練根皮

生用

丁香

各五錢

玄胡索

四錢

鹽

炒黃

全蝎

各三錢

柴胡

二錢

木香

升麻

各一錢

右茴香以前四味用好酒三十二兩煮至酒盡焙乾與後九味共為末酒煮麩糊丸梧子大每服七十九空心

淡醋湯下

桂枝芍藥湯

即桂枝湯芍藥亦用三錢

芍藥甘草湯

治四時腹痛

白芍藥

甘草

炙等分

右每服五錢姜水煎脉弦傷氣用本藥脉洪傷金加黃

芩脉緩傷水加桂枝脉瀉傷血加當歸脉遲傷寒加乾

姜

四順清涼飲

治血熱蘊結壅滯不通或一身盡熱或日

哺潮熱或夜發熱皆血熱也

當歸

白芍藥

大黃

甘草

等分

右水煎服

麻子仁丸

治小便數大便難名曰脾約用此通腸潤燥

方意以麻子杏仁之甘以緩脾而潤燥津液不足以酸

收之芍藥之酸以斂液腸燥胃強以苦泄之枳殼大黃之苦下燥結而泄胃強

大黃

枳殼

厚朴

白芍藥

各五錢

杏仁

二錢

麻仁

三錢

右為末蜜丸棗豆大每服三十九丸溫湯下得利則止

芎朮散

治痰積腹痛脉滑小便不利

川芎

蒼朮

香附

白芷

等分

右為末磨木香姜汁點熱湯調服

木香檳榔丸

治食積氣滯腹痛

木香

檳榔

各三錢

青皮

陳皮

白朮

各五錢

麥蘖麩

七錢炒

枳實

六炒麩炒黃

厚朴

四錢姜製

右為末湯浸蒸餅丸梧子大每服五十九丸食遠溫水下
升陽除濕湯 治脾胃 弱不思飲食腸鳴腹痛泄瀉無

度小便黃四肢困弱

升麻

柴胡

防風

神麩

澤瀉

豬苓

各五分

蒼朮

一錢

陳皮

甘草

麥芽

各三分

右姜棗水煎服如胃寒腸鳴加益智仁半夏非腸鳴不用

丁香練實丸

方見痲氣條

黃芩芍藥湯

方見痰疾條

大承氣湯

桂枝湯

方俱見傷寒條

三黃丸

方見三消條

控涎丹

方見五癩條

小胃丹

二陳湯

方俱見痰証條

四物湯

方見中風條

紅丸子

方見積聚條

平胃散

方見脾胃條

枳實導滯丸

備急大黃丸

保和丸

枳朮丸

神保丸

方俱見內傷條

五積散

方見中寒條

藿香正氣散

香蘇散

方俱見感寒條

胃風湯

方見泄瀉條

香薷散

五苓散

方俱見中暑條

除濕湯

方見中濕條

烏梅丸

方見咳嗽條

化蟲丸

方見蟲証條

異香散

治心腎不和腹脇膨脹飲食難化噫氣吞酸一切冷氣結聚腹中刺痛此藥最能治之

石蓮肉

甘草

蓬莪朮

煨

益智仁

炒去殼

三稜

炮各五分

青皮

去白

陳皮

去白各一錢五分

厚朴

製一錢

右為末每服三錢加姜棗并鹽一捻水煎去粗熱服

草豆蔻湯

治臍腹虛脹作痛

澤瀉

一錢

木香

三分

神麴

四分

半夏

枳實

麩炒黃色

草豆蔻仁

黃耆

春夏勿用

益智仁

甘草

炙各五分

青皮

陳皮

各六分

當歸

白茯苓

各七分

右姜水煎服

高良姜湯

治因寒心腹大痛

高良姜

二錢五分

厚朴

當歸

官桂

各一錢

右水煎稍熱服

沒藥散

治心腹疼痛不可忍者

沒藥

另研

乳香

另研各一錢

穿山甲

五錢 火煨

木鱉子

去殼四錢

右為細末每服五分或一錢酒半茶鍾煎數沸服

一捻金散

治臍腹大痛及奔豚小腸氣等證

玄胡索

川練子

全蝎

去毒炒

茴香

等分

石為細末每服二錢熱酒調下

五靈脂湯

治中暑腹痛不已

五靈脂

香附

等分

右為細末白湯調服

仲厚朴三物湯 治腹痛而秘

厚朴 一兩

大黃 四兩

枳實 五枚

右用水一斗二升煮厚朴枳實至五升入大黃煮至二升溫服一升以利為度

溫中丸 治食積腹痛

白朮

香附 童便浸

鍼砂 醋浸炒紅 各四兩

山查肉

神麴 各八兩

苦參 一兩

川芎 春用夏去

吳茱萸 湯浸冬用 春去各五錢 蒼朮 二兩五錢 米甘浸

右為末醋糊丸梧子大每服六十九丸白湯下一方無山查神麴川芎有半夏青皮黃連

厚蘆丸 治涌水病行則腹鳴如囊裹水漿之聲

厚蘆 隔紙炒

澤瀉

椒目

桑白皮

杏仁

猪苓 等分

右為末蜜丸梧子大每服二十九丸葱白湯下以利為度

新增

生料五積散 治內傷生冷腹痛

陳皮

茯苓

厚朴

蒼朮 各八分

半夏 七分

桔梗 六分

香附子 炒

川芎

當歸 各七分

砂仁 搗碎六分

枳殼 四分

白芍藥 炒一錢

香白芷 五分

甘草 三分

生姜引

脇痛第七十三

兩脇疼痛左右所因不同丹溪曰脇痛肝火盛木氣實有死血有痰流注方古菴曰左脇痛甚者卽是肝火盛木氣實也宜用龍會丸左金丸辛涼之劑以治之右脇痛微者卽是痰流注并食積宜用塩煎散順氣丸等藥辛溫之劑以治之此特言其大槩也如痛在左脇手足煩燥不能安臥者此爲肝氣實也宜小柴胡湯加川芎白芍藥蒼朮青皮龍胆草或單黃連丸痛而攸攸不止耳目暈瞶善恐如人將捕已此爲肝血虛也四物湯加柴胡稍或五積散去麻黃加青木香青皮虛甚成損脇下常有一點痛不止者

各乾脇痛其病甚危宜八物湯加青皮木香桂心有火去
桂加山梔或吳茱萸炒黃連午後與夜分痛者瘀血歸肝
經也柴胡湯加桃仁紅花乳沒痛甚者枳芎丸便堅黑者
桃仁承氣湯或瀉青丸脇痛吐血者熱傷肝也小柴胡湯
加芎歸生地黃外用韭菜熨之及貼琥珀膏脇痛難忍者
乃大怒氣逆肝火動甚也宜萸連丸當歸龍會丸輕者小
柴胡湯加黃連牡蠣枳殼此皆左脇諸證也右脇梗起一
條作痛者乃食積也枳實煎湯送神保丸輕者保和丸喘
咳引痛者痰飲流注脾經也二陳湯加南星蒼朮川芎柴
胡白芥子或入青黛少許姜汁三匙痰甚者控涎丹如胸

背脇痛喘急痞悶者瓜婁實丸脇下如插痛者飲水停滯
也濃煎葱白湯調枳殼煮散甚則用傷寒水證治法如有
物刺痛者七情凝滯也氣促嘔吐者分氣紫蘇飲流氣飲
子調中順氣丸鬱挾食連乳痛者推氣散一塊氣丸素有
鬱者越鞠丸此皆石脇諸證也大抵左脇痛者必以柴胡
爲君川芎青皮龍膽草爲佐使右脇痛者多屬脾經氣滯
而致痰飲流注不行必以二陳湯加辛散之藥吳茱萸白
豆蔻之屬以治之若兩脇俱痛濕熱盛也當歸龍會丸用
控涎丹者以其有白芥子也諸脇痛至於不可舒伸者用
此丸一二錢五分加姜黃桃仁各五錢蜜丸或煎服若脇痛

二三年不已發作有時已成積塊宜枳朮丸加官桂陳皮
桔梗甘草蜜丸服或復元通氣散不可峻攻許學士謂建
陽醫者王琪言諸氣惟膀胱脇下痛最難治獨神保丸能
治之傷寒脇痛不止一端治法具載本條自難與此例論
也

龍會丸 治有積或因飲食大飽勞力行房脇痛

當歸

草龍胆

酒洗

黃連

炒

川芎

大黃

煨各五錢

盧會

木香

一錢

右爲末入麝少許粥糊丸菜豆大每服五十九丸姜湯下

胃散 治男婦一切冷氣攻上胸脇刺痛不能已及脾

胃冷嘔吐泄瀉膀胱小腸氣女人血氣

縮砂仁

去殼

甘草

炙

白茯苓

草果仁

去皮煨

肉豆蔻

川芎

茴香

萆澄茄

大麥芽

檳榔

良姜

蒼朮

枳殼

陳皮

去白

羌活

厚朴

等分

右咬咀每服三錢入鹽少許水煎

順氣丸 治血鬱脇痛

香附米 八兩

右用童便浸透晒乾為末粟糊丸服

單黃連丸 治心火一切血熱伏熱酒熱暑毒及肝火嘔逆等證

黃連一味用姜汁炒或酒炒為末粥丸湯下

枳芎散 治右脇疼痛不可忍

枳實 麸炒

川芎 各五分

甘草 炙一分五厘

右為細末姜棗湯或酒調下

韭菜熨法

韭菜連根搗爛醋拌炒熱絹包熨痛處

珀丸 治五發惡瘡疔腫癩癧遠年冷疔痔漏一切無

名腫毒及虎犬所傷蛇毒等證

歸尾

川芎

黃耆稍

蜂房

皂角

升麻

甘草稍

草麻子

木鱉子

白芍藥

白蘇

獨活

藁本

防風稍

枸杞子

瓜蒌仁

蘇木

白芷

杏仁

黃連

槐枝 各一兩

右用水五大碗煎至減半去粗其粗再用水五大碗煎

至減半去担與前汁和勻以槐枝不住手攪慢火熬至成稠入香油四斤真酥二兩羊腎脂油四兩攪勻文武火煎至水盡以紙條蘸油燃火不爆為度秤油每斤入黃丹八兩柳枝不住手攪丹盡成膏方入琥珀木香乳香沒藥雲母雄黃朱砂甘松各極細末二錢五分髮灰二兩枯礬一兩輕粉麝各極細末二錢急攪極勻以磁器收貯絹帛攤貼神效

蓮連丸 治肝火動甚脇痛

吳茱萸

陳皮

蒼朮

黃連 土炒

黃芩 土炒

桔梗

白茯苓

半夏 等分

右為末神麴糊丸菉豆大每服二三十丸津液嚥下分氣紫蘇飲 治腹脇痛氣促喘急

五味子

桔梗

葉葉

桑白皮

蜜炙黃色

草果仁

陳皮 去白

大腹皮

酒洗

白茯苓

甘草炙 各五分

右加生姜及白鹽少許水煎空心服

調中順氣丸 治三焦氣滯水飲停積脇下虛滿或時刺

痛

木香

白豆蔻仁

青皮 去白

陳皮

去白

三稜

炮各一兩

大腹子

半夏

湯泡七次各二兩

縮砂仁

枳殼

沉香

各五錢

右為末水糊丸梧子大每服三十九至五十九丸陳米湯下

推氣散 治右脇痛甚脹滿不食

片姜

枳殼

麩炒

桂心

各五分

甘草炙

三分

右為細末每服二錢姜湯調下水煎亦可

一塊氣丸 治氣喘及膈氣脇氣疝氣腰氣積氣瘴氣

補骨脂

炒

乾漆

炒如盡

乾姜

姜黃

炒

莪茂

三稜

玄胡索

木香

砂仁

史君子

五靈脂

人參

白朮

茴香

枳殼

肉豆蔻

丁香

丁皮

白茯苓

雷丸

大黃

枳殼

巴豆

炒各一錢一分五厘

蘿蔔子

炒

青皮

陳皮

各五錢

皂角

一條

芫花

五分

牽牛

炒

大麥芽

炒各一兩

右為末醋糊丸菘豆大每服三五丸至十丸茶酒任下

左金丸方見喉條 小柴胡湯 桃仁承氣湯方俱見傷寒條

四物湯 瀉青丸方俱見中風條 五積散方見中寒條

八物湯方見耳証條 當歸龍會丸方見癩狂條 神保丸

保和丸 枳木丸方俱見內傷條 二陳湯方見痰証條

控涎丹方見五癩條 瓜婁實丸方見痞滿條 枳殼煮散

流氣飲子方俱見氣滯條 越鞠丸方見六鬱條 復元通氣散方見腰痲條

沉香降氣散 治氣不升降脇肋刺痛胸膈痞塞

沉香 枳榔各二錢五分 人參

訶子煨去核 大腹皮炒各五錢 白木

紫蘇葉 香附子炒 神麩炒

麥蘖 烏藥各一兩 陳皮去白

甘草炒 姜黃各四兩 京三稜煨

紅花 蓬莪朮 益智仁炒去殼

厚朴姜製各二兩

右咬咀每服三錢水煎

勻氣散 專治脇痛

山梔 熟地黄 白茯苓

細辛 桂心 川芎等分

右研為末加羊脂煎服

東垣復元活血湯 治從高墜下惡血流於脇下實痛不可

忍著

當歸 一錢二分

柴胡 一錢

穿山甲

甘草

紅花

瓜婁根 各四分

酒大黃 二錢

桃仁泥 十粒

右酒水各半煎服以利為度

新增

加味二陳湯 治肝氣有餘兩脇作痛

陳皮

柴胡

枳殼

青皮

姜黃

山梔

茯苓

半夏

南星

芍藥

桔梗

黃連

生姜引

腰痛第七十四

濕熱

腰痛之因有五丹溪曰有濕熱有腎虛有瘀血有閃挫有痰積脉緩者爲濕熱法宜清利用蒼朮杜仲黃柏川芎之類實用二炒蒼栢散加柴胡防風虛用七味蒼栢散溺赤者五苓散清燥湯健步丸諸藥不効者濕熱甚也以甘遂牽牛大瀉其濕而愈古方有以甘遂末三錢和猪腰子煨熟空心酒下者若久處卑濕及爲雨露所浸腰間重如石墜冷如水澆飲食如故喜熨熱物便利不止謂之着腎則宜着腎湯加附子停水沉重小便不利宜五苓散滲濕湯腰痛者单八角茴香散痛久不已青蛾丸加葶藶牛膝

腎虛

浸酒吞服脉大者為腎虛法宜補用杜仲黃栢肉桂當歸
五味子兔絲子天門冬熟地黄之類若為房慾所傷精血
不足以養筋乃虛陰也其痛攸攸不能舉宜杜仲丸補陰丸
腰軟不能運用乃陽虛也內經曰腰者腎之府轉搖不能
腎將敗矣宜九味安腎丸加杜仲鹿茸百倍丸八味丸加
鹿茸木瓜當歸續斷或煨腎丸勞力傷腎者黃耆建中湯
加當歸杜仲煎吞大補陰丸熱者獨活湯勞心者天王補
心丸若嗜欲之人久服壯陽藥或醉後入房損其真陰而致
腎氣熱則腰脊痛而不能舉久則髓減骨枯發為骨痿宜
六味地黄丸温腎丸封髓丹之類以補陰之不足脉瀼者

瘀血

為瘀血法宜逐用大黃牽牛桃仁水蛭蠱蟲之類或補陰丸

閃挫

或四物湯各加桃仁紅花使力誤傷者為閃挫法宜行用
當歸蘇木乳香沒藥桃仁紅花之類若跌撲墜墮瘀血作
痛必日輕晚重實者桃仁承氣湯久者補陰丸加桃仁紅
花或五積散去麻黃加茴香木香檳榔連脇痛者復元通

痰積

氣散加木香脉滑者為痰積法宜消導用蒼朮撫芎香附
白朮枳實橘紅半夏白茯苓之類若流注經絡背脇俱痛

風

宜二陳湯加南星蒼朮黃栢風加麻黃防風羌活寒加姜
桂附子及控涎丹大便洩者龜樗丸五者之外脉弦者為
風法宜散用麻黃防風羌活獨活之類而風之傷腎其左痛

寒

憂思傷脾

右無常牽連脚膝強急不可俛仰以顧係風熱者敗毒散
 加杜仲二便閉者甘豆湯加續斷天麻風宜小續命湯加
 桃仁或烏藥順氣散加五加皮風挾寒濕者五積交加散
 同全蝎炒過去蝎煎服或獨活寄生湯羌活勝濕湯加味
 龍虎散或单威靈仙為末酒調服脉遲者為寒法宜温用
 肉桂乾姜附子之類而寒之傷腎遇天寒則發連背拘攣
 脉沉弦緊五積散加吳茱萸杜仲桃仁痛甚加黑牽牛少
 許肢厥者姜附湯連肩背者羌活勝濕湯摩腰丹若憂思傷
 脾腰痛連腹脇脹滿肉痺不仁宜沉香降氣湯木香勻氣
 散飲食難化者異香散若怒氣傷肝則諸經縱弛腰痛連

脇宜聚香飲子調肝散凡此皆腰痛之諸證也原夫腰痛
 之證惟閃挫由於外因其他雖外感風寒莫不由於腎臟
 真元虛弱故邪得以乘虛而襲也盖臟腑諸經皆貫於腎
 而絡於腰脊故東垣曰太陽氣虛則邪客之痛病生矣內
 經曰足太陽脉令人腰痛引項脊尻背如重狀少陽如鍼
 刺皮中循循然不可俛仰不可以顧陽明不可以顧如有
 見者善悲少陰痛引脊內膝厥陰腰中如張弓弩弦太陰
 下如有橫木居其中甚則遺洩此六經之病態也然惟寒
 濕少而風熱多治者必用温散不可峻用寒涼之劑亦不
 可驟用補氣之藥若至紅點忽見於面人中黑者俱不治

七味蒼栢丸 治濕熱腰痛動止滯重不能轉側

蒼朮

黃蘗

杜仲

破故紙

川芎

當歸

白朮 各一錢

右水煎服

着腎湯 治腎虛傷濕身重腰冷如坐水中不渴小便利

乾姜 炮

白茯苓 各四兩

甘草 炙

白朮 各二兩

右咬咀每服五錢水煎空心服

滲濕湯 治寒濕所傷如在水中停水沉重小便澁大便

澹名着腎腰痛

蒼朮

白朮

甘草

白茯苓

乾姜 炮各一兩五錢

橘紅

丁香 各二錢五分

右咬咀每服四錢姜棗水煎

单八角茴香散 治傷濕熱腰痛

茴香研細每服二三錢熱酒調服

牛膝酒 治腎傷於風攻刺腰痛不可忍者

地骨皮

五加皮

薏苡仁

川芎

牛膝

甘草

羌活

各一兩

生地黄

海桐皮

各二兩

右咬碎入絹袋浸好酒內冬七夏三春秋各五日每用一盃日用三四次常使酒氣不絕

青娥丸

治腎經虛冷腰腿重痛常服壯筋補虛

破故紙

炒

杜仲

炒斷系各四兩

生姜

二兩五錢炒乾

右爲末核桃三十個取仁研膏加密丸梧子大每服五十丸鹽酒下

杜仲丸

治腎虛腰痛動止軟弱脉太虛而疼不已

杜仲

龜板

黃柏

知母

枸杞子

五味子

當歸

白芍藥

黃耆

破故紙

各一兩

右爲末猪脊髓入蜜和丸梧子大每服三十九空心鹽酒下

九味安腎丸

治腎虛腰痛目眩耳聾面色慘黑肢體羸瘦

瘦

葫蘆巴

補骨脂

川練子

茴香

續斷

各三兩

桃仁

杏仁

各去皮尖炒

乾山藥

白茯苓

各二兩

右爲末蜜丸梧子大每服五十九空心鹽湯下

百倍丸 治腎虛腰腿痛不拘風傷折傷此藥補虛損有百倍之効

牛膝

補骨脂

龜板 各一兩

肉蓯蓉

虎骨 各五錢

木鱉子

乳香

沒藥

自然銅 各二錢

右為末蜜丸梧子大每服三十九丸空心溫酒鹽湯任下

煨腎丸

治腎虛腰痛

杜仲

三錢炒斷絲

右為細末以猪腰子一枚薄劈六七片椒鹽醃去腥水摻藥末在內荷葉裹又加濕紙數層微火煨熟嚼之無

灰酒下

又煨丸

治肝腎損及脾虛穀不化宜益精緩中消穀兼

治腰痛不起神効

牛膝

萆薢

杜仲

肉蓯蓉

兔絲子

白茯苓

葫蘆芭

破故紙

肉桂

等分

減半

右為細末酒煮猪腰子為丸梧子大每服七十九丸空心

酒下

獨活湯

治因勞役腰痛似折沉重如水

羌活

防風

獨活

肉桂

大黃煨

澤瀉各三錢

桃仁

當歸

連翹各五錢

甘草二錢

防已

酒黃連各一兩

右咬咀每服一兩水酒各半煎去粗食前稍熱服

封髓丹 降心火益腎水

麥門冬

熟地黃

人參各五錢

黃栢炒三兩

甘草炙二錢五分 砂仁一兩五錢

右為細末糊丸梧子大每服五十九丸用肉蓯蓉咀片五

錢酒浸一宿次日煎四五沸去粗送丸

龜樗丸 治濕痰腰痛大便洩或加蒼朮威靈仙丸妙丸

腔子裏有滯須用木香以行之

龜板一兩

樗白皮

蒼朮

滑石各五錢

白芍藥

香附各四錢

右為末粥糊丸梧子大每服五十九丸空心鹽湯下

獨活寄生湯 治腎氣虛弱為風濕所乘流注腰膝或攣

拳掣痛不可屈伸或緩弱冷痺行步無力

獨活六分

桑寄生如無以續斷代之 細辛

牛膝

秦艽

白茯苓

白芍藥

桂心

川芎

防風

人參

熟地黃

當歸

杜仲炒

甘草炙各四分

右水煎空心服下利者去地黄若血滯於下刺委中穴仍灸腎俞崑崙二穴

羌活勝濕湯 治肩背痛不可回顧乃手太陽氣鬱而不

行脊痛項強腰似折項似拔乃足太陽經不通行以此

湯主之

羌活

獨活各一錢

藁本

防風

甘草炙

川芎各五分

蔓荆子三分

右水煎服若身重腰痛沉沉然經中有寒濕也加酒洗

漢防已五分輕者加附子五分重者加川烏五分

加味龍虎散 治積聚癥瘕內傷生冷外中風寒腰脚膝脛

曲折攣拳筋骨疼痛經年不能步履者此藥如神

蒼朮一兩

草烏

黑附子各二錢

全蝎五錢

天麻三錢

右為末每服一錢淋黑豆酒調服能養腎氣

姜附湯 治腰痛甚而肢厥

乾姜一兩

生附一枚

右水三盞煎至一盞去粗頓服

摩腰丹 治老人虛人腰痛并女人白帶

附子尖

烏頭尖

南星 各一錢五分

雄黃 一錢

樟腦

丁香

乾姜

吳茱萸 各一錢五分 朱砂 一錢

當門子 大者五粒

右為末生蜜丸龍眼大每用一九姜汁化開如粥火上頓熱以掌蘸摩腰上藥盡用綿衣包縛隨時覺熱如火一日一次

聚香飲子 治腰痛及心脇引痛不可俛仰

乳香

沉香

丁香

木香

檀香

藿香 各五分

玄胡索

姜黃

川烏

桔梗

桂心

甘草 各二分五厘

右姜棗煎服

調肝散 治鬱怒傷肝發為腰痛

半夏 三分

辣桂

木瓜

當歸

川芎

牛膝

細辛 各二分

石菖蒲

酸棗仁 各一分

右加姜棗水煎服

二炒蒼柏散

健步丸 方俱見脚氣條

四物湯

六味地黄丸

烏藥順氣湯

小續命湯

清燥湯

方俱見中風條

補陰丸

大補陰丸

溫腎丸

方俱見虛損條

八味丸

方見惡寒條

黃耆建中湯

方見內傷條

天王補心丸

方見三消條

桃仁承氣湯

方見傷寒條

五積散

方見中寒條

敗毒散

方見溫病條

五積交加散

即五積散敗毒散相合

復元通氣散

控涎丹

方俱見五癰條

五苓散

方見中暑條

二陳湯

方見痰証條

沉香降氣湯

方見脇痛條

木香勻氣散

方見嘔吐條

異香散

方見腹痛條

速効散

治腰疼不可忍

川練肉

巴豆五個去殼炒赤去豆

茴香

鹽炒去鹽

破故紙

炒等分

右為末每服一錢食前熱酒調服

立安丸

治五腫腰疼常服補腎經壯健腰脚

破故紙

續斷

杜仲

去皮姜汁炒斷系

牛膝

酒浸

乾木瓜

各一兩

萹藨

二兩

右為末蜜丸梧子大每服五十九空心溫酒鹽湯任下

如神湯 治男女腰痛

玄胡索

當歸

桂

等分

右為末每服二三錢食前酒調下一方有杜仲

無敵丸 治腎虛腰疼

萹藨

虎骨

酥炙

續斷

酒浸一宿

穿山甲

酥炙

乳香

各五錢

沒藥

三錢五分

茴香炒

當歸酒浸

狗脊

砂仁炒

鹿茸

酥炙各一兩

杜仲二兩炒斷

地龍去土

青鹽

各七錢五分

兔絲子酒浸一宿
淨四兩

右為末酒糊丸梧子大每服五十九空心鹽酒下

補髓丹 治腎虛腰痛升降水火補益心腎強筋壯骨

補骨脂

用芝蔴五兩同炒以芝蔴黑色為度篩去芝蔴不用

杜仲

姜汁炒各十兩

鹿茸

二兩去皮毛酒炙透

沒藥一兩另研

右為末和勻核桃仁三十個去皮研入麩加酒煮糊丸

梧子大每服一百丸空心溫酒鹽湯任下

一至九 治老人虛弱腎氣傷損腰痛不可屈伸

鹿角

麋角

各二兩

附子

炮去皮臍

桂心

補骨脂

炒

杜仲

去皮炒斷
系各一兩

青鹽

另研五錢

右為末酒糊丸梧子大每服七十九空心嚼核桃肉鹽

湯溫酒任下不能服熱藥者以肉菘蓉易附子

地龍散 治腰脊痛或跌打損傷或從高墜下惡血在太

陽經令人腰脊痛或髀骨脛膕中痛不可忍

歸稍二錢

中桂

地龍各四分

麻黃五分

蘇木六分

獨活

黃栢鹽酒炒

甘草各八分

羌活一錢二分

桃仁 五粒去皮尖
另研細

右水煎溫服

一粒金丹 治腰膝走注疼痛如虎咬之狀及一切風痰

手足癱瘓麻木不仁

地龍 去土

白膠香

木鱉子

去殼油
各一兩

好墨

乳香

各二錢五分

當歸

沒藥

麝

各五分

草烏頭

五靈脂

各四分

右為極細末糯米糊丸芡實大每服一丸多至二三丸
鹽湯下微汗神効遠年近日寒濕脚氣發時空心服一

丸脚面黑汗出為効初中風不省人事牙關緊研一丸

酒調灌下立醒

加味青娥丸

治腎虛腰痛或風寒乘之血氣相搏為痛

破故紙

水淘芝麻同炒變色
去麻瓦上焙乾為末

杜仲

姜汁浸炒
各十二兩

核桃肉

去皮膜另
研

乳香

另研

沉香

沒藥

各六兩

右為細末用肉蓯蓉十二兩酒浸成膏和劑搗千餘杵
丸梧子大每服三十九空心溫酒或鹽湯送下

壯本丹

治腎虛腰痛久則寒冷此藥壯筋骨補元陽利

小水養丹田住腰痛之妙劑

杜仲 酒炒

破故紙 鹽水炒

茴香 各一兩

青鹽

肉蓯蓉 酒洗

巴戟 酒浸去骨 各五錢

右為末將猪腰子分開入藥二錢在內縫住紙包煨熟
每腰子一個一服黃酒送下

立安散 治氣滯腰痛并閃挫腰痛腎虛腰痛

當歸

官桂

玄胡索 炒

杜仲 姜炒

小茴香 炒各一兩 木香 五錢

牽牛 一兩半生半熟

右為末每服二匙空心黃酒調下一方去牽牛以酒煎服

張仲景傳灸法治腰重痛不可轉側起坐艱難及冷痺脚
筋攣急不可屈伸者於曲秋兩紋頭左右四處各灸三
壯每灸一邊二艾齊舉火將燒至肉二人齊吹火滅午
時灸訖黃昏時臟腑自動一二行或轉動腸鳴其疾立
愈此法神効

新增

加味二陳湯 治風寒濕流注經絡而腰作痛者

陳皮

茯苓

半夏 各一錢

牛膝 三錢

杜仲 炒斷系一錢 麻黃 八分

蒼朮 一錢

川芎 一錢 白芷 八分

防風 八分

羌活 一錢

桃仁 炒八分

生姜引空心服

疝氣第七十五

一樞經曰三陰急爲疝三陽急爲瘕難經曰任脉之爲病其

內苦結男子爲七疝蓋任脉起於中極之下會陰之分以行於腹故男疝女瘕率由此經益厥陰之脉逆致陽氣下墜而使風寒濕熱下出囊中兩辜腫大謂之曰疝凡夫遺溺癰閉精滑白淫者皆男子之疝也血涸不月月罷腰膝上熱足蹙嗑乾癰閉小腹有塊或定或移前陰突出後陰痔核皆女子之疝也但女人不謂之疝而謂之瘕少年有此男女皆主無子大抵此證多因房勞所致或走路勞熱卽涉冷水血因寒洩則爲瘕氣因寒聚則爲疝王節齋云

太陽受寒血凝爲癥大陰受寒氣聚爲疝朱丹溪曰疝之爲病自素問以下皆以爲寒緣經絡得寒收引不行所以作痛然亦有得寒而不成疝者內無濕熱之故也若濕熱在經鬱遏至久偶感外寒則濕熱收鬱而作痛故治疝不可全認作寒且過勞而火起於筋醉飽而火起於胃縱慾而火起於腎大怒而火起於肝卽時爲病則爲他證若鬱而不發濕氣便盛濁液凝聚病入血隧流於厥陰水性速急火性暴烈又爲外寒所束或平素先受風濕留於經絡榮衛不順血液凝滯日增月盛積聚堅牢又遇外感之六氣內起之五火卒然小腹作痛上連脇肋甚則角弓咬牙

身掉發搐冷汗交流有至須臾不救者由於木性之急火性之烈也至真大要論云小腹控羣引腰脊上衝心唾清水及爲噦噫甚則入心善忘善悲甲乙經曰邪在小腸也小腸病者小腹痛引腰脊貫肝肺其經虛不足則風冷乘間而入邪氣旣入則厥證上衝肝肺客冷散於胸結於臍控引羣丸上而不下痛而入腹甚則衝於心胸蓋其經絡所係也其五火雖起於各臟總之皆歸於肝經故素問稱厥陰脉滑則病狐疝少陰脉滑則病肺風疝太陰脉滑則病脾風疝陽明脉滑則病心風疝太陽脉浮則病腎風疝少陽脉浮則病肝風疝所以言風者皆足厥陰肝經之氣

也故其病必小腹痛此正厥陰之部分也且男子宗筋爲束骨之會而肝主筋雖外腎非厥陰環而引之則玉莖無由伸縮在女人則爲幕戶其內外爲二一曰竅漏皆厥陰與衝任督之所會也靈樞經言足厥陰筋聚於陰器傷於寒則陰縮入傷於熱則挺縱不收陽明與太陰之筋亦皆會於陰器惟厥陰主筋故論疝者必本之厥陰也若謬歸於小腸脬囊膀胱及獨認作寒不免失之一偏或因虛而驟用補劑亦非也蓋斯時正肝木受邪木氣自盛之際非徒無益反資其邪矣若瀉之則正氣同伐故治法先以辛溫之藥散氣救痛是急則治其標也繼則祛逐本經之濕

熱消導下焦之痰飲食積死血而以寒因熱用之法立方處治庶幾邪易伏而病易退也故丹溪治疝凡用從治熱藥必用寒涼之品蓋制應病卽止戒勿久服又謂止宜二陳湯加枳實橘核梔子山查等藥加生姜汁熱服有瘀血加玄胡索桃仁泥氣痛加水香回香練實手足厥冷加桂附乾姜罌丸痛甚加荔枝核乳香沒藥外腎腫大如升斗者去甘草加海藻昆布荔枝核茴香川練之類挾虛者其脈不甚沉緊而惟大豁無力其痛亦輕但覺重墜牽引耳必用參朮爲君而佐以疎導之藥乃桃仁川練茴香枳實山查梔子玄胡索丁香木香之類若痛處按之反不痛亦

屬於虛必用桂枝及炒山梔烏頭爲細末生姜汁糊丸以服之按而痛則爲實也此用藥之大槩知此則得効舊方可因病去取不至與病相左矣

七疝名狀

寒水筋血氣狐癩

寒疝其狀囊冷結硬如石陰莖不舉或控辜丸而痛此得之坐臥濕地或寒月涉水或衝冒雨雪或坐臥磚石或風冷處用力過勞宜以溫劑下之久則無子

水疝其狀腎囊腫痛陰汗時出或囊腫如水晶或囊痒抓出黃水或小腹中按之作水聲此得之飲水或醉後用力過勞汗出而遇風寒之氣聚之囊中故其囊冰冷而

爲卒疝宜以逐水之劑下之

筋疝其狀陰莖腫脹或潰或膿或痛而裏急筋縮或莖中

痛痛極則痒或挺縱不收或白物如精隨洩而下此得

之房室勞傷及用房術所致宜以降心火之劑下之

此等之疾俗俱呼爲白濁更不知有五淋卽知罔不以此爲膏淋但腫脹筋縮有異用降心火之藥亦相去不遠但醫家不可不知耳

氣疝其狀上連腎區下及陰囊或因號哭忿怒則氣鬱之

而脹號哭忿怒罷則氣散是也宜以散氣之藥下之小

兒常有此疾俗名偏墜得之於父老雖或比年而陰痿

精怯勉強交合成胎所致此爲難治灸築賓穴亦有愈

者此疝有鍼出氣而愈之法及水疝有鍼出水之法但鍼有得失不敢妄錄以誤用者

血疝其狀如王瓜在小腹兩傍橫骨兩端約中俗名便毒得於重感春夏大燠及勞於使力以致氣血流溢滲入脬囊留而不去結成癰腫膿少血多宜以和血之劑下狐疝其狀如瓦臥則入小腹行立則出腹入囊如狐之晝出穴而溺夜入穴而不溺故以為名亦與氣疝大同小異宜以逐氣流經之藥下之

癰疝其狀陰囊大如升斗不痛不痒者是也得之於地氣卑濕宜以去濕之劑下之

女子陰戶突出雖同此類病名曰瘕乃熱則不禁固也不

可便謂虛寒而用燥濕補劑但宜以苦下之而已

丁香練實丸 治男子七疝痛不可忍及女人瘕聚帶下

皆任脉所主乃肝腎受病治法同歸於一

當歸

附子

炮去皮臍

川練子

茴香

炒各一兩

玄胡索

五錢

木香

丁香

各五分

全蝎

十三個

右前四味用好酒三斤煮酒盡焙乾為細末後四味亦為細末和勻酒糊丸梧子大每服二十九起加至百丸空心温酒下方意以疝氣帶下皆屬於風全蝎治風之聖藥也川練茴香俱入小腹當歸玄胡索止痛和血因

積寒在小腸故以附子佐之丁香木香為引導雖三四
年不愈者三劑全愈

枳實散 治諸疝定痛速効

枳實

山梔 炒

山查 炒

吳茱萸 炒等分

右為末每服三錢生姜五片水煎空心服或酒糊丸姜
湯下濕勝者加荔枝核

三稜丸 治七疝發時小腸痛不可忍准陰蔣毅齋傳

荔枝核 四兩 鹽水 浸

橘核 臭橘核也 一兩五錢 長流水 浸一伏時

甘核 二兩五錢 酒 浸

玄胡索

山查肉

小茴香

另用硫黃三分研極細將茴香炒極熱拌勻
俟冷去餘黃以布作囊盛茴香在長流水中

浸一晝夜

陳皮 去白

青皮 以吳茱萸 拌炒

桃仁

小者去皮尖 炒

補骨脂

青鹽三錢 拌水炒乾

川練肉

各五錢

枳實

三錢 炒

乳香

沒藥

各二錢五分

木香 一錢五分

右為極細末老米糊丸梧子大每服一錢加至二錢空

心川椒湯下

四炒川練丸 治一切疝氣腫痛者服之縮小年久者亦

除根

川練肉

一斤分作四分一分用麩一合斑貓四十九
個同炒麩黃一分用麩一合巴戟一兩同炒

諸證辨類
用益一分用麩一分合巴豆四十九粒同炒麩黃一分
用益一兩茴香一合同炒茴香焦俱擇淨止用練肉

木香

補骨脂 各一兩

右為末酒糊丸梧子大每服五十九丸食前鹽湯下一日
三服

甘遂散 治小腸氣痛撞腹面青唇黑欲死服之得利永

不再發

木香

茵陳

芫花

甘遂

等分

右為末每服二錢水煎服甚有奇驗但服後忌甘草三
日

八雄丸 治疝如神

白茯苓

白朮

山查

角茴

吳茱萸

荔枝核 各一兩

枳實 八錢

橘核 三兩

右為末蜜丸彈子大食前細嚼一丸姜湯下

葫蘆巴丸 治小腸盤腸奔豚疝氣偏墜陰腫小腹有形

如卵上下走痛不可忍

葫蘆巴 一斤

茴香 十二兩

吳茱萸 十兩

川練肉 十八兩

巴戟 去木

川烏 各六兩

右為末酒糊丸梧子大每服十五丸空心酒下小兒五

九茴香煎湯下

山梔散 治陽明經受濕熱傳入太陽惡寒發熱小便連
毛際間悶痛不可忍者

山梔

桃仁

枳實

山查

等分

一方有吳茱萸

右細研每服三錢以順流水入姜汁共一盞煎一沸空
心服

橘核散 止疝痛極効

橘核

一錢五分

桃仁

十五粒去皮尖

梔子 一錢

川芎

炒

吳茱萸

各五分

右水煎服

烏頭丸

治濕熱為寒所鬱故用山梔除濕熱烏頭散寒
鬱梔子引烏頭不久留胃中此治疝之劫藥也

烏頭

細切炒

梔子仁

炒等分

右為末糊丸梧子大每用二錢空心白湯下重者加輕
者減隨證酌量取効甚速

海香散 定疝痛神効

海石

香附

等分

右為細末姜汁調下

青木香丸 治腎冷疝氣疼脹

青木香

革澄茄

各五錢

香附子 一兩

吳茱萸

一兩分浸酒醋一宿焙乾

右為末米糊丸梧子大每服七十丸空心鹽湯或乳香
葱白湯下甚者五苓散加連根葱白一寸燈心七根煎
吞五十丸

硫黃丸 疝甚而氣上衝如物塞心手足厥冷欲死者二

三服除根最稱神効

硫黃

熔化投水出毒研細

荔枝核

為末炒焦黃色

陳皮

等分

右為末飯丸梧子大每服十五丸熱酒吞下其痛立止
初覺痛者止用五六丸不可過多

吳茱萸湯

治厥疝腹中冷痛積氣上逆致陰冷囊寒

吳茱萸

五分

川烏頭

炮去皮

細辛

各七分五厘

良姜

當歸

乾姜

炮

官桂

各三分

右水煎日進三服

東垣木香散 治心疝小腹痛悶絕不已

木香

陳皮

各五分

良姜

訶子皮

赤芍藥

枳實

炒各二分五厘

草豆蔻

川芎

黑丑

各一分

右水煎去粗服

烏藥散 治小腸疝氣牽引腹臍疼痛

烏藥

木香

茴香

良姜

青皮 去白

檳榔 各五錢

川練子

十個以巴豆七十粒打破加麩炒至川練子黑色去麩皮巴豆而用

右為末每服一二錢酒調服痛甚者炒生姜熱酒服得
利痛如失此神妙方也一方無木香檳榔川練子

馬蘭丸

治七疝癩氣及女人陰癩小兒偏墜等證無不

神効

馬蘭花

醋炒

川練子

橘核

海藻

酒洗

海帶

酒洗

昆布

酒洗

桃仁

去皮尖各一兩

厚朴

姜製

木通

枳實

炒

玄胡索

肉桂

木香

檳榔

各五錢

右為細末酒糊丸梧子大每服七十九或酒或姜盞湯
下若脉沉細手足逆冷者加川烏五錢

三香散

治偏墜

南木香

小茴香

角茴

川練肉

各二錢

右咬咀在鍋內炒香入連根葱白五莖以水一碗傾入
鍋中即以其碗罩住煎至半碗去粗和好酒半碗炒盞

一茶匙空心熱服神效

四聖散 治疝氣外腎腫脹

小茴香炒 穿山甲

全蝎炒

南木香等分

右為末每服二錢酒調一服痛止

三消散 治偏墜及陰疝子大小痛欲死者

茴香 青皮

荔枝核迫碎炒等分

右炒研為末每服二錢空心酒調下

守効丸 治癩疝不痛

蒼朮 南星 白芷

山查各一兩 川芎 橘核

半夏各五錢 一方用海石不用半夏

右為末神麩糊丸每服五六十丸空心鹽湯下秋冬加

吳茱萸有熱加山梔堅硬加朴硝或青皮荔枝核

五葉湯 洗疝痛立効

枇杷葉 野紫蘇葉 椒葉

蒼耳葉 白葡萄葉

右不拘多少煎湯浴洗

木鱉散 治陰疝或偏墜大小子痛欲死者

木鱉肉一斤醋磨 芙蓉葉 黃栢二味等分為末

一茶匙空心熱服神効

四聖散 治疝氣外腎腫脹

小茴香炒 穿山甲

全蝎炒

南木香等分

右為末每服二錢酒調一服痛止

三消散 治偏墜及陰疝子大小痛欲死者

茴香 青皮

荔枝核迫碎炒等分

右炒研為末每服二錢空心酒調下

守効丸 治癩疝不痛

蒼朮 南星

白芷

山查各一兩

川芎

橘核

半夏各五錢

一方用海石不用半夏

右為末神麩糊丸每服五六十丸空心鹽湯下秋冬加

吳茱萸有熱加山梔堅硬加朴硝或青皮荔枝核

五葉湯 洗疝痛立効

枇杷葉

野紫蘇葉

椒葉

蒼耳葉

白葡萄葉

右不拘多少煎湯浴洗

木鱉散 治陰疝或偏墜大小子痛欲死者

木鱉肉一斤醋磨 芙蓉葉

黃栢二味等分為末

右二味爲末以木鱉醋調敷核上痛卽止

救命通心散 治小腸氣痛諸藥不効

川烏頭

青鹽酒浸透
去皮尖焙乾

川練子

各一兩用巴豆二十一粒
同炒俱黑色去巴豆

茴香

五錢

土狗

五枚

芥子

一錢六分

石燕

一對

右爲末每服三錢入羊腎內濕紙裹煨香熟半夜以好

酒半斤入鹽細嚼羊腎以酒嚥下不可作聲小便大利

而愈

木香練子散

治小腸疝氣膀胱偏墜其効如神

川練子

三十枚以去殼巴豆二十
一粒同炒黃色去巴豆

青木香

炒

石菖蒲

炒各一兩

荔枝核

二十個炒

萆解

五錢

右研爲極細末每服二錢入麝少許空心炒茴香鹽酒

調下

金練散

治膀胱氣

巴豆

一百粒去殼

川練子

二十四個沸湯浸去薄皮
切作片子

右用麩二升同炒黃色去麩與巴豆止用川練肉爲末

溫酒空心送下夫疝疾者因虛而得也邪留不去其病

實故必先滌去所畜之邪熱而後可用補劑所以各方

多借巴豆之氣以成川練之功疝愈之後又當因其所

虛而用補劑也

疾藜湯 治房慾過度而成陰疝牽引小腹痛而不可忍
者陰疝即諸厥疝也

疾藜 炒去尖

附子 炮去皮臍

山梔仁 各五錢

右為末每服三錢水煎去粗食前溫服

仲景 生姜羊肉湯 治寒疝腹中痛及脇痛裏急者

生姜 五兩

當歸 三兩

羊肉 一斤

右用水八升煮取三升溫服七合一日三服若寒多加
生姜十片痛多而嘔加陳皮二兩白朮一兩如加生姜
亦加水五升煮取三升二合服用之有神効

安息香丸 治陰氣下墜痛脹卵核大腫堅硬如石痛不

可忍者

玄胡索

海藻 洗

昆布 洗

青皮 去白

茴香 炒

川練子 去核

馬蘭花 各一兩五錢

木香 五錢不見火

大戟 酒浸三宿切片焙乾三錢五分

右為細末另將硃砂真阿魏真安息香各二錢五分用
好酒醱醋各一盞洗去三味砂石酒醋并為一盞熬成
膏子再入麝香一錢沒藥二錢五分俱各另研細入前
藥一同和丸菉豆大每服十丸至十五丸空心用綿子
灰調酒下

抵聖丸 治陰癰腫滿赤腫大便秘欲飲水按之臍腹痛

續隨子

薏苡仁

郁李仁

茵芋

白丑 畧炒各一錢

右為末滴水丸梧子大每服五分用香姜散未查嚥下
黃昏服五更利下惡物効

海蛤丸 治癩疔

海蛤 醋淬三次

當歸

海金砂

膩粉

硃砂 各一錢

海藻

粉霜 各五分

水蛭 二十條炒

青黛

滑石

乳香 各一錢

硃砂 二錢

地龍 二十條去頭

右為細末塩煮麩糊為丸小豆大硃砂為衣每服十九丸
燈心煎湯空心服以小便下冷膿惡物為効仍用黃連

紫河車板藍根各二錢煎湯漱口以固牙齒

雄黃散 治陰腫大如斗核痛人所不能治者

雄黃 一兩

礬 二兩

生甘草 五錢

右水煎洗

蜘蛛丸 仲景方也治狐疝

蜘蛛

取布網簷角腹大黑色十四粒桂 肉厚者五錢

右桂細末研蜘蛛如膏加煉蜜丸每服一錢空心塩湯

下

一法治偏墜大者用乾姜桂各一兩爲末以綿一兩水四碗同煮二十餘沸晒乾又煮水盡方已晒乾包二罌汗出數次漸愈愚見欲多製一二更翻包裹又妙

一方治小腸氣用赤石脂一兩米醋一升燒紅石脂淬入醋中以醋盡爲度搗羅如麪用湯調下一大盞卽瘥如神

一方治酒後飲水與水果而致罌丸偏大時作蛙聲或作痛炒枳實一兩鹽炒茴香炒梔子各三錢研細煎成下保和丸七十九

一方治膀胱氣下墜如蛙聲以臭橘十枚取核炒桃仁三十粒蘿蔔汁研下保和丸七十九

一方治左睪腫痛乃飲食中濕墜下成熟以臭橘五枚取核桃仁七粒同研細順流水一盞煎沸熱下保和丸

一方治水癩偏大上下不定疼痛不止用牡礪鹽泥固濟煨過取二兩乾姜一兩同爲細末冷水調塗患處小便大利卽愈

一方治陰腫如升痛不可忍搗馬鞭草汁塗之又方以蔓菁根搗汁塗俱効

一方治偏疝做綿袋將陰囊包煖用天花粉五錢醇酒一碗自早浸至下午微煎滾星月下露一宿次早抵攪坐

定雙手按膝飲下即愈不効再服一劑

新增

加味五苓散 治五疝極効

川練子

一錢五分

橘核

一錢五分

猪苓

一錢

白朮

一錢

澤瀉

一錢

茯苓

一錢

茴香

八分

木香

三分

葫蘆巴

一錢

巴戟天

一錢

荔枝

鹽水浸炒一錢五分

青皮

炒一錢

右醋糊為丸每服五十九粒鹽湯下

白濁第七十六

附白淫筋疝膏淋腎消辯

便濁之證因脾胃濕熱中焦不清濁氣下流滲入膀胱故

其溺濁然有赤白之分焉赤者血分濕熱之氣甚心與小

腸主之宜導赤散四物二陳湯加檮白皮青黛滑石白者

氣分濕熱之微肺與大腸主之宜清心蓮子飲或五積散

合四君子湯丹溪曰便濁屬濕熱有痰有虛大率濕熱流

注者肥人多有之宜燥濕降火加升提之劑以二陳湯加

二朮升柴為主赤者加白芍藥氣虛加參耆傷暑加澤瀉

麥門冬人參傷風加防風挾寒加姜桂甚則加附子有熱

加知母黃栢山梔或星半蛤粉丸因七情生痰者四七湯

瘦人多肝火宜加味逍遙散四物湯加知母黃栢或真珠粉丸檇栢丸虛挾痰火腎氣丸補陰丸凡此之藥或寒或熱不可大偏蓋寒則堅凝熱則流通惟宜清上固下也若思慮勞心虛者妙香散十味温膽湯金蓮丸房慾傷腎虛者萸薢分清飲小兒絲子丸腎氣丸八味丸腎心俱虛無火者還少丹虛冷小腹痛不可忍者酒煮當歸丸久則必用升提久甚者龍礪丸石蓮散遠志丸又有一種非精非濁流出白津乃思慾不得意淫於外所致名曰白淫宜內補鹿茸丸金箔丸但世之患此者每不知分別常以筋疝膏淋混呼為白濁既不識病豈能用藥要之溺而莖中不痛者

為白濁溺而莖中痛者為膏淋溺而莖中痛莖亦腫痛者為筋疝又有腎消病便濁如膏但渴欲飲水腿膝枯細面黑形瘦耳輪焦乾為可別遺精略似白濁然精與津自是不同也不知五者之異如行者之適岐路何以定向往焉

星半蛤粉丸 治濕熱白濁

蛤粉 二兩 南星 半夏

青黛 蒼朮 各一兩

右為末神麩糊丸梧子大每服五六十丸食前姜湯下

檇栢丸 治濕熱痰火濁證兼治便毒

檇根白皮 一兩 黃栢 三兩 青黛

乾姜 各三兩

滑石

蛤粉

神麴 各五錢

南星

半夏 痰甚加二味

右為末神麴糊丸梧子大每服七十九空心白湯下虛勞者四物湯下

金蓮丸 治思慮傷心小便赤濁

白茯苓

石蓮肉

龍骨

天門冬

麥門冬

栝子仁

當歸

酸棗仁

紫石英

遠志

乳香

龍齒 各一兩

右為末蜜丸梧子大朱砂為衣每服七十九空心溫酒

或棗湯下

還少丹 治陽虛不舉真氣衰弱精神短少小便無度

石菖蒲

桑枝同蒸

巴戟

枸杞湯浸軟酒再浸一日同菊花焙黃色

牛膝

黃精汁或酒浸三日

五味子

劈開用蜜蒸一日漿水浸一宿

茯神

水飛去浮膜

楮實子

水浸去浮者用酒蒸一日

熟地黄

枸杞子

肉蓯蓉

小茴香

乾山藥

遠志

杜仲

山茱萸

等分

右為末蜜丸梧子大每服四五十丸空心鹽湯送下

龍礪丸 治白濁

龍骨

牡礪 等分

右爲末同入鯽魚腹內用濕紙裹入灰火內煨熟取出
去紙搗丸梧子大每服三十九丸米飲下

石蓮散 治夢遺滑泄白濁等證

石蓮肉

益智仁

龍骨 等分

右爲末每服二錢空心米飲調服

遠志丸 治赤濁因勞心者神効

遠志

八兩

茯神

益智仁

各二兩

右爲末酒糊丸梧子大每服五十九丸臨臥棗湯下

內補鹿茸丸

治思色傷神陰陽氣虛此藥益精氣止白

淫

鹿茸

酥炙

兔絲子

酒浸

土茯苓

炒

白茯苓

肉蓯蓉

紫苑

蛇床子

酒浸

黃耆

桑螵蛸

陽起石

炮

官桂

等分

右爲末蜜丸梧子大每服二十九丸食前温酒下

金箔丸 治下焦虛而白淫夜多異夢遺精

晚蚕蛾

破故紙

炒

韭子

牛膝

酒浸

肉蓯蓉

龍骨

山茱萸

桑螵蛸

兔絲子

酒浸各一兩

右爲細末蜜丸梧子大每服三十九丸食前温酒下

導赤散 方見五淋條

四物湯

四君子湯 方俱見中氣條

二陳湯

四七湯 方俱見痰証條

五積散 方見中寒條

加味道遙散

腎氣丸 方俱見耳証條

真珠粉丸

補陰丸

葶藶分清飲

小兒絲子丸 方俱見夢遺條

妙香散 方見五癩條

十味溫膽湯 方見氣滯條

八味丸 方見惡寒條

酒煮當歸丸 方見腹痛條

清心蓮子飲 方見三消條

妙香丸 治赤白濁通用

龍骨 煨

辰砂 另研

牡礪 煨

石菖蒲 各一錢五分

川練子 蒸去核五錢

白茯苓

益智仁

石蓮肉

桑螵蛸 瓦上煨乾

兔絲子 製各三錢五分

右為末山藥糊丸梧子大每服五十九空心人參棗仁

湯下

東垣 治濁固本丸

蓮蕊

黃連 炒

白茯苓

砂仁

益智仁

半夏

黃栢 炒各三兩

甘草 炙一兩

猪苓 二兩五錢

右為末蒸餅丸梧子大每服五十九空心溫酒下

交濟丹 治白濁出髓條

酸棗仁 炒

白朮

人參

小便出髓

白茯苓

破故紙炒

益智仁

大茴香

牡礪

青鹽等分

右為末酒糊丸梧子大每服五十九丸空心酒下

小便如澀

王瓜散 治小便自利如泔色此腎氣也

王瓜根

桂心各一兩

白石脂

兔絲子酒浸

牡礪鹽泥燒赤候冷去泥研各二兩

右為末每服二錢煎大麥粥湯調下日三服俱在食前

滋腎湯 治白濁初起半月者極効

萹藪

麥門冬去心

遠志去木

黃栢

兔絲子酒炒

五味子酒炒等分

右咬咀加竹葉三片燈心七莖大黃少許水煎空心服

珠粉丸 治白濁

蛤粉

青黛

樗根皮

乾姜鹽製炒褐色

滑石

黃栢等分

右為末神麩糊丸梧子大每服五六十丸空心淡鹽湯

下

半夏丸 治濕痰流注白濁神効

半夏

猪苓等分

右為末神麩糊丸梧子大每服五十九丸空心温酒下

新增

加味四物湯 治男子婦人赤白兩濁

川芎

當歸

生地黄

白芍藥

柴胡

續斷

牡丹皮

黃芩

荆芥

檮白皮

黃連

各等分

生姜引空服

諸證提綱卷之七終

